



2019

RIPOTI

FAALE-TAUSAGA

LOMIGA 14

Please address all correspondence to:
The Minister of Finance
Private Bag
Apia, Samoa



Email: sili.tuioti@cbs.gov.ws;
sili.tuioti@mof.gov.ws;
Telephone: (685) 34-333/34385
Facsimile: (685) 21-312/20293

Government of Samoa

OFFICE OF THE MINISTER OF FINANCE

29 Novema 2019

Afioga i le Fofoga Fetalai
Fono Aoaofaitulafono a Samoa

E tusa ai ma le fuaiupu 20(5) o le *Tulafono o le Pulega o Tupe Faava o Malo a Samoa 2005*, ou te tuuina atu ai ma le agaga faaaloalo le Lipoti a le Pulega o Tupe Faava o Malo a Samoa i ana galuega faatino mo le sefulu ma le lua masina na faaiuina i le aso 30 Iuni 2019, faatasi ai ma faamatalaga tau tupe ua mae'a ona su'eina faasu'etusi mo lena vaitaimi ma le Lipoti a le Su'etusi i ana faamatalaga tau tupe.


Sili Epa Tuioti
MINISITA O TUPE



Samoa International Finance Authority

Please address correspondence to
THE CHIEF EXECUTIVE OFFICER

26 Novema 2019

Afioga Sili Epa Tuioti
Minisita o Tupe
Matagaluega o Tupe
APIA

Lau Afioga i le Minisita,

E ia te a'u le ava tele e tuuina atu ai le Lipoti Faaletausaga a le Pulega o Tupe Faava o Malo a Samoa, e pei ona aiaia i le *Tulafono o le Pulega o Tupe Faava o Malo a Samoa 2005*, mo le tausaga faaletupe 1 Iulai 2018 i le aso 30 Iuni 2019.

Ua aofia i le Lipoti:-

- (a) se lipoti o galuega a le Pulega, a o faagasolo le sefululua (12) masina, se'ia faamutaina i le aso 30 Iuni 2019; ma
- (e) le faamatalaga tau tupe a le Pulega mo le sefululua (12) masina na faaiuina ia Iuni 2019, ua mae'a ona su'eina faasu'etusi faatasi ai ma le Lipoti a le Su'etusi.

Ma lo'u faaaloalo lava

Li'o Heinrich Siemsen

SUI PULE SILI MO LE TAIMI NEI O LE PULEGA O TUPE FAAVA O MALO A SAMOA

FAASOLOGA O MATAUPU

04	Saunoaga a le Taitaifono
05	Saunoaga a le Sui Pule Sili mo le taimi nei o le SIFA
07	O le Puleaina ma Galuega Tauave a le SIFA
09	Faatulagaga o le SIFA
13	Tulafono e Faatonutonu ai Galuega a le SIFA
14	Galuega a le SIFA
18	Atina'e
20	Tulaga Tau Tupe a le SIFA
21	Faamatalaga Tau Tupe

SAUNOAGA A LE TAITAIFONO



Ou te fiafia e tuuina atu le Lipoti Faale-tausaga a le Pulega o Tupe Faava o Malo a Samoa mo le tausaga faaletupe 2018/2019.

O le tausaga faaletupe 2018/2019 o se tausaga o lu'itau i le fa'aaauaina o faiga-faavae lelei e ala i tulafono ma le mata'ituina o pisinisi ua resitalaina ma laiseneina i lalo o a tatou tulafono i Samoa.

O se tausaga faigata foi ina ua lisiina Samoa e le Luni a Europa (EU) o se atunuu e le talafeagai ana tulafono o lafoga tau pisinisi faava o Malo ma manaoga o le EU. E ui ina lisi Samoa (ae le o le SIFA) ma isi atunuu e le EU, e tatau ona malamalama lelei o le faalapotopotoga a le lalolagi e nafa ma faiga faavae faava o Malo i mataupu faapea o le Faalapotopotoga mo Galuega Felagolagoa'i Tau le Tamaoaiga ma Atina'e (OECD) ae le o le Luni a Europa (EU).

I le faatulagaina o Samoa e le OECD i lana alafua faava o Malo ua lautogia Samoa o lo o ausia isi vaega moomia mo le aoina o faamatalaga tau lafoga faava o Malo. Ua toe iloiloinei nei e le OECD le tulaga o Samoa ma e ausia ai le tele o vaega moomia (largely compliant).

I le feagai ai ma tuuaiga ma le tele o faamatalaga e le faavaea faapea ia faafitauli e faatatau i le lisi a le EU, o lo o mafai lava ona galulue faatasi le SIFA ma le tele o Kamupani Laiseneina mo Auaunaga Tau Mavaega ma Auaunaga Tau Tupe Faava o Malo.

I le faatinoga o pisinisi masani ua faamau ai le pa'u o le aofa'i o kamupani fou i le 30 pasene. O lea pa'u e mafua mai i le ogaoga ma le faigata ona faatino o alafua faava o Malo ua tuuina mai e le OECD ma le FATF (Financial Action Task Force). O le faigata o nei alafua ua mafua ai ona filifili isi o faletupe faavaomalo e le toe taliaina pisinisi mai ituaiga pisinisi o lo o tatou faia. E ui i lea tulaga ua mafai lava ona taofiofi e le SIFA le 85% o kamupani o lo o resitalaina ma toe faafou mo lenei tausaga.

O fonotaga ma faatasiga a faalapotopotoga eseese e nafa ma le fuafuaina o alafua faava o Malo, ua aoga tele i le faalauteleina o le malamalama o le Pulega ma le afaigaluega a le SIFA. E ui foi i le tele o suiga ua iai le lalolagi o pisinisi tautupe faava o malo faapea le faafoeina o tamaoaiga o i latou e maumea, ua mafai lava e le SIFA ona ausia se tulaga lelei i le tele o vaega o pisinisi faava o malo.

O lo'o faaogaina foi e le SIFA avanoa e lagolago ai 'au taaalo e pei o le Lakapi Luni, Lakapi Liki ma le Asosi Netipolo a Samoa e faalauiloa atili ai ia ana auaunaga i atunuu i fafo faapea lona tulaga fesoasoani mo le lelei lautele o tatou tagata nuu.

O galuega ma tupe maua a le SIFA ua maoa'e lona taunuuga i lenei tausaga. Na maua se tupe mama a le SIFA e tusa ma le SAT23.5 miliona ma o se siitaga e tusa ma le 8% pe a faatusatusa i le tausaga talu ai. Ua 3 nei tausaga sosoo o SAT15.0 miliona le fesoasoani a le SIFA i le Matagaluega o Tupe mo le Malo.

Ua mafai e le SIFA ona ausia nei tulaga lelei ona o le galulue punoua'i o Faatonu, le Pulega ma le Aufaigaluega.

E faamauina ai la'u faafetai ma le faamalo i le Fono a Faatonu, le Pulega ma le Aufaigaluega a le SIFA mo galuega lelei uma o lenei tausaga.



Tuatagaloa Alfred Schwalger

TAITAIFONO O LE FONO A FAATONU

SAUNOAGA A LE SUI PULE SILI MO LE TAIMI NEI A LE SIFA



O le tausaga faale tupe 2018/2019 na amata i le faamautinoaina o le tausisia o a tatou tulafono e Kamupani ua Laiseneina mo Auaunaga Tau Mavaega ma Auaunaga Tau Tupe Faava o Malo, a o tapena ai e tali malo i sui o le OECD-Le Vaega e Iloiloina ia Atunuu mo le Manino o Faamatalaga i Mataupu Tau Lafoga faapea le Fetufaiga pe a Moomia.

O a tatou tapenaga mo lea iloiloga na mafua ai ia suiga i nisi o a tatou tulafono ma faaopopo ai le numera o kamupani faava o Malo e siakiina le iai o faamaumauga o i latou tonu e ona ia kamupani faapea ia le iai o faamaumauga tautupe.

O lo o mautinoa o a tatou galuega lelei o lo o fai, o le a fesoasoani tele i le faaleleia o le tulaga o Samoa i le faatinoina o alafua faava o Malo mo le faamanoina ma le fetufa’aiina o faamatalaga tau lafoga e pei ona fuafuaina e le Fonotele Faalekelope a le OECD. Na faatulaga e le OECD ia Samoa i le 2015 o lo o ausia nisi o alafua, ae ua iai le avanoa e toe faatulaga ai i se tulaga e sili atu, e pei o le ausia lea o le tele o alafua pe a mae’a le iloiloga lona lua lea na amata faatalanoa mai ia Oketopa 2019.

O *Fuafuaga Autasi Fou a le SIFA 2019-2020*, o lo o fa’aaauina ai le tatou **Tofamamao**: *‘O le aso ma le filiga’* ma le **Tofaliliu**: *‘Ia mauu se tulaga aloaia o Samoa i le Maketi o le Lalolagi, o se Nofoaga Tutotonu faatuatuaina mo auaunaga tau tupe.’*

O lo o fa’aaauina lava ia galuega tauave faaletulafono a le SIFA e tusa ma lana tulafono o le *Pulega o Tupe Faava o Malo a Samoa 2005* e pei ona tau’a i lalo:

- Mataitu ma faatonutonu le faatinoga lelei o auaunaga tau tupe faava o Malo i totonu o Samoa.
- Puipui ma tausisia le tauleleia o auaunaga tau tupe faava o Malo a Samoa.
- Fautua mo nisi auaunaga fou ma faaleleia auaunaga o lo o iai ina ia faaoga e tagata a tatou auaunaga tau tupe faava o Malo.
- Fautua i le faia o tulafono fou ma toe teuteu tulafono mo auaunaga tau tupe faava o Malo.
- Ia matua lelei le galulue soosootau’au o ofisa o le Malo ma pisinisi tumaoti aua le faatinoga lelei o auaunaga tau tupe faava o Malo

O le tofamamao na fuafua ai a tatou galuega tauave ua faamauina ai i le Tulafono autu ma ua mautinoa ai o le SIFA o se nofoaga tutotonu tautupe faava o Malo e amanaia ma tausisia ia taumafaiga a le lalolagi e tetee atu i tupe taufaaofi mai i faiga faasolitulafono,

le faatupeina o faiga faatupu faalavelave, amioga le tonu, le alo ese ma le le tologia o lafoga ma isi mea faapena.

O lo o tatou tulimata'ia pea ia Asia mo pisinisi ma talia soo se avanoa e tulai mai i nisi vaega o le lalolagi.

O le SIFA o lo o fai ma sui o Samoa i nisi o Faalapotopotoga latou te fuafuaina ia alafua faava o Malo. Ua faamautuina e le SIFA le naunautaiga o Samoa e tausisia ia alafua ia, e ala i le auai atu o le Pulega ma le Aufaigaluega i fonotaga ma aoaoga e tuu faatasia e le Fonotele Faalekelope a le OECD mo le Faamaninoina ma le Fetufaiga o Faamatalaga Tau Lafoga, le Faalapotopotoga o Faaputugatupe Faava o Malo, le Fono a Ofisa Resitala o Kamupani, le Faalapotopotoga e Vaavaaia Tulaga Tau Auaunaga Tau Tupe Faava o Malo, le Faalapotopotoga e Vaavaaia Auaunaga Tau Inisiua Faava o Malo ma le Faalapotopotoga a Asia ma le Pasifika e Taofia le Fa'aofiina mai o Tupe mai i Auala Faasolitulafono ma le Taofia o le Faatupeina o Faiga Faatupu Faalavelave. I le avea ai ma sui o nei Faalapotopotoga faapea le natura o galuega faava o Malo a le SIFA, ua tatau ai le galulue faatasi o i latou uma o lo o mata'ituina ia tulafono ma vaavaaia le mauaina o faamatalaga aemaise le mafai e fetufaa'i ai ina ia mautinoa o pisinisi o lo o aga'i mai i Samoa ma toe aga'i atu e lelei atoatoa.

E faauma atu ai faapea, ia viia le Suafa o lo tatou Atua, le Alii o Iesu Keriso i galuega uma ua mafai ona tatou faia i lenei tausaga 2018/2019.

Ia faamanuia tele le Atua.



Li'o Heinrich Siemsen
SUI PULE SILI MO LE TAIMI NEI

1. O le Puleaina ma Galuega Tauave a le SIFA

O le Pulega o Tupe Faava o Malo a Samoa (SIFA) o lo o puleaina e le Pule Sili (CEO) na tofia e le Kapeneta i luga o le fautuaga a le Minisita. O lo o tauaveina e le SIFA ia matafaioi faaletulafono e vaavaaia ia auaunaga tau tupe ma pisinisi faava o Malo i lalo o lana pulega e tusa ma alafua faava o Malo ua folasia mo teugatupe, inisiua ma kamupani laiseneina mo auaunaga tau mavaega ma auaunaga tau tupe faava o Malo.


O le SIFA o lo o faatonutonuina e le Fono a Faatonu, o lo o aofia ai Sui e 3 o le Malo (o le Kovana o le Faletupe Tutotonu o Samoa, o le Loia Sili, ma le Pule Sili o le Matagaluega o Tupe), faapea ia Sui e 4 mai pisinisi tumaoti. O Sui mai pisinisi tumaoti e tatau ona i ai so latou malamalama talafeagai, poto masani ma se agavaa faapitoa e fesoasoani ai i le faatinoga o galuega. O le Taitaifono e filifilia mai i Sui e 4 mai pisinisi tumaoti.

O galuega tauave a le SIFA e tele i galuega tauletulafono ma galuega e mataituina ai pisinisi o lo o resitala ma e sini autu i le puipuiga ma le faatumauina o le ta'uleleia o le igoa o le tatou Nofoga Tutotonu mo pisinisi tautupe faava o Malo, ia ma faalauiloa ia auaunaga eseese ma saili ia nisi auala e fia o mai ai tagata i Samoa ona o le tatou Nofoga Tutotonu.

O nisi galuega tauave nei a le SIFA, e tusa ai ma le fuaiupu 4 o le *Tulafono o le Pulega o Tupe Faava o Malo a Samoa 2005*:

- ⇒ la mataitu ma vaavaaia le faatinoga o auaunaga tau tupe faava o Malo o lo o tuuina atu i totonu o Samoa;
- ⇒ la puipui ma tausisia le ta'uleleia o le igoa o Samoa e avea ai ma nofoaga tutotonu mo auaunaga tau tupe faava o Malo;
- ⇒ la faamautinoa le galulue faatasi o Ofisa a le Malo, o Faalapotopotoga Tumaoti, ma Faalapotopotoga e le o ni Faalapotopotoga a le Malo o lo o fesootai i auaunaga tau tupe faava o Malo;
- ⇒ la faalauiloa Samoa e avea ma nofoaga tutotonu mo auaunaga tau tupe faava o Malo;
- ⇒ la faia fautuaga mo le faaofiina o tulafono fou, teuteuga po o le sui o tulafono e faasino i auaunaga tau tupe faava o Malo, kamupani ma isi lava ituaiga o pisinisi;
- ⇒ la faatino su'esu'ega ma faia saili'iliga i vaega o pisinisi faava o Malo ma auaunaga e fesootai i ai;
- ⇒ la nafa ma le faatonutonuina o tulafono o auaunaga tau tupe faava o Malo ma le aoina o totogifuapau uma, o tau faaee atu, ma isi tupe maua ua tatau ona totogiina i lalo o ia tulafono;
- ⇒ la faailoa ma fautua le Malo i so o se mataupu e faasino i auaunaga tau tupe faava o Malo; ma
- ⇒ Faatino isi lava galuega tauave e faasino i auaunaga tau tupe faava o Malo e pei ona faia e se Poloaiga mai le Ao o le Malo.

O le Ata leni ua fa'aalia ai le faatulagaga o le Pulega o Tupe Faava o Malo a Samoa (SIFA):



2. Faatulagaga o le SIFA

2.1 Fono a Faatonu



Tutulai (A-T): Loau Donald Kerslake, Magele Philip Penn

Alala (A-T): Muagututia Lafaele Ngau Chun, Tuatagaloa Alfred Schwalger – Taitaifono, Maiava Atalina Ainuu-Enari – Kovana Faletupe Tutotonu o Samoa.

Le o iai i le ata: Lemalu H.P. Retzlaff – Loia Sili, Leasiosiofaasisina Oscar Malielegaoi – Pule Sili Matagaluega o Tupe.


2.2 Pulega



(A-T): Tagaloa Koroseta Lesatele – Taitai Vaega mo le Aufaigaluega, Alolua Ramona Rimoni-Jahnke – Taitai Vaega o Resitala, Taofinuu Kalala Mataia – Taitai Vaega o Resitala, Li’o Heinrich Siemens – Pule Sili Lagolago Vaega o Resitala, Aliimalemanu Kolisi Simamao – Taitai Vaega e Mataituina le Tausisia o Tulafono, Mataia Meseapa Tapuitea Lafaialii-Petaia – Pule Sili Lagolago Vaega o Pisinisi ma Atina’e, Luaipou Iosefa – Taitai Vaega o Resitala, Tootoooleaava Dr. Fanaafi Aiono-Le Tagaloa – Pule Sili, Cheshire Malua – Pule Sili Lagolago Vaega e Mataituina le Tausisia o Tulafono,

Le o iai i le ata: Desmond Chan Ting – Taitai Vaega o Tupe, Moana Ah Poe – Taitai Vaega mo Auaunaga Faa-Tekonolosi ma Auaunaga Fesoasoani, Watsonia Fereti – Taitai Vaega o Pisinisi ma Atina’e

2.3 Faatulagaga o le SJFA



2.4 Anfaigalnega a le SJFA



3. Tulafono e Faatonutonu ai Galuega a le SIFA

O le Pulega o Tupe Faava o Malo a Samoa (SIFA) sa faavaeina e tusa ma le *Tulafono o le Pulega o Tupe Faava o Malo a Samoa 2005* ma o lo o faafoeina ia tulafono ua taua i lalo. O le faamoemoe o le SIFA ia tausisia ia alafua faava o Malo ma nofo malamalama i suiga o lo o tutupu i le lalolagi i pisinisi o lo o faia, ma ua talafeagai ai le iloilo i taimi uma o a tatou tulafono.

1. *Tulafono o Kamupani Faava o Malo 1988*
2. *Tulafono o Inisiua Faava o Malo 1988*
3. *Tulafono o Faiga Faapaaga Faava o Malo ma Faiga Faapaaga Faatapulaaina 1998*
4. *Tulafono o Kamupani o Faaputugatupe Tumaoti Faava o Malo 2000*
5. *Tulafono o le Pulega o Tupe Faava o Malo a Samoa 2005*
6. *Tulafono o Teuga Tupe Faava o Malo 2005*
7. *Tulafono o Faaputugatupe Soofaatasi Faava o Malo 2008*
8. *Tulafono o Fefaatauaiga Faatekonolosi 2008*
9. *Tulafono o Kamupani Faava o Malo mo se Faamoemoega Faapitoa 2012*
10. *Tulafono o Mavaega Tausi 2014*
11. *Tulafono o Oa - Faavae Resitalaina 2016*
12. *Tulafono mo Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2017*

4. Galuega a le SIFA

Ina ia mautinoa o lo o ogatasi a tatou galuega ma alafua faava o Malo faapea ia suiga i isi atunuu ua lauiloa i galuega tautupe faava o Malo, ua faaauau ai pea le ave a o le SIFA ma sui auai i faalapotopotoga eseese faava o Malo e pei o le:

- ⇒ Fono a Resitara o Kamupani (CRF);
- ⇒ Faalapotopotoga e Vaavaaia Tulaga Tau Inisiua Faava o Malo (GIICS)
- ⇒ Asosi Faava o Malo mo le Fuafuaina o Lafoga (ITPA);
- ⇒ Faalapotopotoga e Vaavaaia Tulaga Tau Auaunaga Tau Tupe Faava o Malo (GIFCS);
- ⇒ Fono Faa-le-Kelope a le Faalapotopotoga o Galuega Felagolagoai Tau le Tamaoaiga ma Atina'e mo le Faamaninoina ma le Fetufaiga o Faamaumauga mo Lafoga (OECD-Global Forum).
- ⇒ Asosi Faava o Malo a Supavaisa o Inisiua (IAIS)

O Vaega eseese o le SIFA o lo o faatinoina ma le toto'a ia galuega tauave ina ia ofoina atu se auaunaga e lelei atoatoa i ana paaga faapisinisi.

4.1 Vaega o Resitala

O le Vaega o Resitala e resitalaina ia kamupani faava-o-Malo, faapea isi kamupani e pei o faaputugatupe tumaoti faava o Malo, o faaputugatupe sofoatasi faava o Malo, ma kamupani faava o Malo mo se faamoemoega faapitoa ma latou teu maluina foi ia faamaumauga a kamupani o lo o resitalaina ma laiseneina ina ia mautinoa o lo o sa'o ia faamaumauga i Resitala o lo o iai.

O se talosaga mo le resitalaina o se kamupani faava-o-Malo e ui mai i se Kamupani Laiseneina mo Auaunaga Tau Mavaega ma Auaunaga Tau Tupe Faava o Malo. E USD300.00 e totogi mo le resitala ma e aumai faatasi ma faamatalaga moomia e resitala ai faapea ia faamatalaga o lona Ofisa autu. E faigofie lava le tuufaatasia o se kamupani ma e itiiti foi ia mea e moomia ma e masani lava e tasi le aso e tuufaatasia ai. O totogi fua pau e tuufaatasia ai se Oa Faavae ma isi vaega eseese ua uma ona faatulagaina ma e maua i luga o le upega tafa'ilagi a le Invest Samoa.

O le Vaega foi lenei e tapenaina ia tusi e faamaonia ai se tulaga lelei o lo o iai se kamupani, aloaia ai le suiga o igoa, faamaape ai se kamupani, fesuia'i ai sea ma tupe faavae ma tuufaatasia ia kamupani i se kamupani e tasi ma isi vaega faapena.

O Ianuari ma Fepuari o masina pisi ia o le Vaega o Resitala. E 2,244 kamupani fou sa resitalaina i lenei tausaga faaletupe. O kamupani faava o Malo o lo o i luga o le resitala i le Aso 30 Iuni 2019 e 34,972.

O le aofa'i atoa o kamupani ua resitalaina talu ona faavae le SIFA e 85,118.

E 13 Kamupani Laiseneina mo Auaunaga Tau Mavaega ma Auaunaga Tau Tupe Faava o Malo o lo o fesootai ai Samoa ma tagata faapisinisi o le lalolagi.

O le tele o manaoga ma le maualuga o le fua o lo o faavasega ai e tagata ia tatou auaunaga, ua lu'ituina ai le Vaega o Resitala ina ia faaauau pea se auaunaga e pei o isi atunuu o le lalolagi.

4.2 Vaega e Mataituina le Tausisia o Tulafono

O le Vaega e Mataituina le Tausisia o Tulafono o lo o faatulagaina i lalo o le *Tulafono o le Pulega o Tupe Faava o Malo a Samoa 2005* latou te vaavaaia ma mataituina galuega faatino a pisinisi faava o Malo ua laiseneina e pei o Kamupani Laiseneina mo Auaunaga Tau Mavaega ma Auaunaga Tau Tupe Faava o Malo, Teugatupe Faava o Malo, Kamupani Inisiua Faava o Malo, ma Kamupani o Faaputugatupe Soofatasi.

E to'a 7 le aufaigaluega o lo o mata'ituina galuega faatino a pisinisi faava o Malo ina ia tausisia ia tulafono o lo o mulimulita'i i alafua faava o Malo. E taua tele ia a'oa'oga e faatupuina ai le malamalama ma le tomai o le aufaigaluega ma o lo o maua lea i le auai atu i fonotaga ma a'oa'oga faava o Malo aemaise ai a'oa'oga i luga o upega tafa'ilagi.

O tulafono autu ua faavaeina ai le tuufaatasia ma le vaavaaia o pisinisi faava o Malo e aofia ai le *Tulafono o Kamupani Faava o Malo 1988, Tulafono o Inisiua Faava o Malo 1988, Tulafono o Faiga Faapaaga Faava o Malo ma Faiga Paaga Faatapulaaina 1998, Tulafono o le Pulega o Tupe Faava o Samoa 2005, Tulafono o Teugatupe Faava o Malo 2005, Tulafono mo le Puipuia mai Tupe e Faaofi mai Faasolitulafono 2007, Tulafono o Faaputugatupe Soofatasi Faava o Malo 2008, Tulafono o Mavaega Tausi 2014, Tulafono o Oa-Faavae Resitalaina 2016, Tulafono mo Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2017, Tulafono o Kamupani o Faaputugatupe Tumaoti Faava o Malo 2000.*

I lenei tausaga faaletupe, e 1 le taamilosaga o asiasiga sa faatino i Kamupani e 12 ua laiseneina mo auaunaga tau mavaega ma auaunaga tau tupe faava o Malo ma e tusa ma le 3 pasene le aofa'i o Kamupani Faava o Malo sa siakiina ma e aofia ai ma Teugatupe Faava o Malo e 2 faapea ia Kamupani Inisiua Faava o Malo e 2. Sa faapitoa nei asiasiga i le siakiina o le iai o faamatalaga tautupe ma faamatalaga o latou e ona tonu ia pisinisi aemaise le mafai ona aumai o nei faamatalaga pe a moomia.

I le faaiuga o Iuni 2019, o pisinisi faava o Malo nei o loo laiseneina:

<i>Auaunaga o lo o Laiseneina</i>	<i>Aofai</i>
<i>Kamupani Laiseneina mo Auaunaga Tau Mavaega ma Auaunaga Tau Tupe Faava o Malo</i>	13
<i>Teuga Tupe Faava o Malo</i>	2
<i>Kamupani Inisiua Faava o Malo</i>	2
<i>Pule ma Foe o Faaputugatupe Soofatasi Faava o Malo</i>	3
<i>Kamupani mo Faaputugatupe Soofatasi Faava o Malo</i>	4
<i>Pule o Kamupani Inisiua Faava o Malo</i>	2
<i>Su'e Tusi</i>	18
<i>Fa'amaape Oa</i>	16

4.3 Vaega o Tupe ma Faafoega:

4.3.1 Vaega o Tupe

I leni tausaga faaletupe, sa taumafai ai le Vaega o Tupe e ausia se tulaga maualuga i ana galuega tauave e aofia ai le faamaumau lelei o faamatalaga, le tuufa'atasia o faamatalaga tau tupe faapea le malupuipua o faamatalaga tau tupe e fesoasoani ai i le Fono a Faatonu ma le Pulega i a latou faaiuga fai.

O le iai o le polokalame faapitoa o le **FRONT ACCOUNTING** ua mafai ai e le Vaega o Tupe ona tapena ia lipoti faalemasina, faalekuata ma le tausaga atoa i se taimi vave i le lelei atoatoa ma le faatuatuaina.

O le sueina e Su'etusi o Faamatalaga Tau Tupe mo le tausaga faaletupe 2018/2019 sa amata i le aso 8 Iulai 2019 ma faamae'a ma sainia i le aso 24 Oketopa 2019.

I lona aotelega, o se tausaga manuia leni mo le Vaega o Tupe.

4.3.2 Vaega mo le Aufaigaluega

O le matafai oi autu a le Vaega mo le Aufaigaluega, o le faafoeina ma le tuufaatasiaina o galuega uma a le Aufaigaluega ina ia mautinoa o lo o atoatoa ma faamalie lelei manaoga o tagata faigaluega a le SIFA. O se tasi foi o tiute a le Vaega leni o le atia'eina ma le faatumauina o le tomai ma le agavaa o le Aufaigaluega ina ia atoatoa ai le faatinoina o galuega fai a le SIFA.

I le taimi nei e 12 le Pulega ae 36 le Aufaigaluega. E toatasi le Sui o le aufaigaluega mai le Vaega o Resitala sa faamavae ia Iulai 2018 ona ua maua le avanoa e malaga ai ma lona aiga i Niu Sila. E toatasi foi le Sui o le aufaigaluega faavaitaimi na maua lona avanoa i le Iunivesite Aoao a Samoa e galue ai ma tuua ai le Ofisa ia Mati 2019.

4.3.3 Vaega mo Auaunaga Faa-Tekonolosi ma Auaunaga Fesoasoani

E 9 sui o le Vaega mo Auaunaga Faa-Tekonolosi ma Auaunaga Fesoasoani, e to'alua o lo o nafa ma le tapenaina o tulafono e lima taitaiina ai le aufaigaluega i faiga faavae mo le faaaogaina o masini komepiuta ma polokalame faa-tekonolosi i totonu o le Ofisa. E fesoasoani foi i le aufaigaluega i le faaaogaina o masini komepiuta, le faaleleia ma le malupuipua o masini uma. Sa lau'a auai foi i aoaoga ma semina mo vaega o fesoataiga faatekonolosi ina ia faatino suiga o tulafono ma faigafaavae ua iai a le Malo.

E 7 sui mo auaunaga fesoasoani e nafa ma matafai oi e pei o le lisiina o le fale o lo o faafoe ai galuega i le taimi nei, le faatauina o oloa moomia, faafeiloa'i malo ma le mamalu o atunuu asiasi, feavea'i le aufaigaluega, faamama ma faaleleia vaega uma o le Ofisa faapea le vaaia o le Faletusi i le vaega mo tamaiti i le Falemai i Motootua lea o lo o vaaia e le SIFA.

4.4 Vaega o Pisinisi ma Atina'e

Ua mafai ona faataunuaina i se tulaga lelei ia galuega fai a le “Vaega o Pisinisi ma Atina’e” e tusa ai ma le *Tulafono Autu a le SIFA 2005*.

Na faagasolo galuega faalauiloa i lalo o le fuaitau a le SIFA o le “INVEST SAMOA” e ala i semina sa ta’ita’iina e le Konesale, le Susuga ia Mark Lea. Sa faia foi fonotaga taitoatasi ma nisi o kamupani ma tagata o lo o iai le tomai faapitoa mo auaunaga mo pisinisi i le taumafai ai e faamautu pea ia Saina ma tatou maketi aemaise foi le tufaina atu o faamatalaga o a tatou auaunaga i le fuafuaina o pisinisi faava o Malo ma le fetuunaiga o auala e fai ai ia auaunaga tau tupe.

Sa auai Sui o le “INVEST SAMOA” i le fono faalauiloa faaletausaga a le China Offshore Summit sa faia i Shanghai i Saina ia Oketopa 2018 ma auai atu ai i le fonotaga faa le tausaga a le STEP Asia i Hong Kong ia Novema 2018.

Sa auai atu foi Sui o le Vaega o Pisinisi ma Atina’e mo le ulua’i taimi i le fonotaga a le STEP i le atu Arapi i Dubai e tusa ai ma taumafaiga ia tele atunuu e ofoina atu iai tatou auaunaga.

Na oo lava i Vietnam i le Koneferenisi sa fai i Hanoi ia Me 2019 ia taumafaiga a le tatou Vaega o Pisinisi ma Atina’e e ala i le Asia Offshore Association ina ua maua tala o se tasi nei o atunuu o lo o vave tele lona tamaoaiga.

E 2 ni Lomiga o Faamatalaga o le “INVEST SAMOA Newsletter” sa tufatufa atu i paaga a le SIFA i le masina o Oketopa 2018 ma Mati 2019. O nei lomiga e tuufaatasia ai faamatalaga i mea o lo o tutupu ma suiga e aafia ai a tatou galuega i Samoa nei faapea atunuu mamao.

O le naunautaiga e a’oa’o i latou o lo o iai ia tomai faapitoa, na faia ai faatalanoaga taua ma le Sosaiete a Loia i Samoa i le Aso 30 Aukuso 2018. O nei faatalanoaga sa vailiili ai ia auala faaletulafono faava o malo mo i latou o lo o faaaogaina pisinisi faapenei aemaise ia avanoa mo o tatou tagata e iai ia tomai faapitoa e amatalalia ai nei auaunaga.

I suiga tetele o lo o aafia ai le faatinoga o galuega faalauiloa a le SIFA, o lo o vaavaai ai pea le “Vaega o Pisinisi ma Atina’e” i auala e faalauiloa ai ana auaunaga aemaise ai o le faatumauina o le lelei o ana galuega i le aga’i i luma.

I le tulaga i lagolago tau tupe, o lo o faaauau ona fesoasoani i taaloga faapea nisi o mea fai a faalapotopotoga i totonu o le atunuu. O talosaga e faatoai mai i le Ofisa o lo o iloilo e tusa ma Taiala ma Faiga Faavae mo Fesoasoani.

O faiga faapaaga i lenei tausaga e aafia ai ia au ta’aalo a Samoa, poloketi ma mea fai e iai aoga mo le atunuu atoa.

O lo o tumau pea le avea o le “INVEST SAMOA” ma lagolago autu o le Manu Samoa Taito’afitu, Au Lakapi Liki o le Toa Samoa, Taamilosaga Tapolo a le “INVEST SAMOA Open” ma le Au Netipolo a le Atunuu,.

E ui o lagolago tau tupe e matele i auala e faalauiloa ai le “Invest Samoa” i maketi o lo o tulimata’ia, ae o lo o mafai ona fesoasoani i isi vaega o le atunuu e tele ina le oo i ai le lagolago a pisinisi ona e utiuti se tupe e maua ai. I lenei tausaga faaletupe, ua mafai ona tatou fesoasoani i le Falemai mo Tamaiti i Motootua, aoaoga mo le faatauaina o le faitau tusi, aoaoga lautele, puipuiga o meaola, polokalame o lo o nafa ma le toe fuataina o soifua o i latou ua faate’a mai i atunuu i fafo, Nofoaga i Mapuifagalele mo Tina ma Tama Matutua, soifua faaleagaga o talavou ia ma i latou ua aafia i soligatulafono.

5. Atina'e

5.1 Aoaoga Tau Tomai Faapitoa & Fonotaga Faaleaoaoga

O aoaoga ma fonotaga nei sa mafai ona auai atu iai sui o le Ofisa ao faagasolo le tausaga.

Fonotaga Faaleaoaoga

- ⇒ A'oa'oga Faapitoa a le Faalapotopotoga a Asia ma le Pasefika mo i latou e iloiloaina atunuu, Aukilani, Niu Sila – Mati 2019
- ⇒ A'oa'oga mo le Resitalaina o Kamupani, Aukilani, Niu Sila – Me 2019
- ⇒ A'oa'oga mo le Ta'ita'ia o le Aufaigaluega/Fafoeina Lelei o Tagata Faigaluega, Lonetona – Iuni 2019

Semina ma Konoferenisi

- ⇒ Fonotaga Faa-le-tausaga lona 21 a le Faalapotopotoga a Asia ma le Pasefika (APG), Kathmandu, Nepal – Iulai 2018
- ⇒ Lafoga Talafeagai e tusa ai ma Manaoga a le Luni a Europa i le Lisiina o Atunuu e ese ia latou Faiga o Lafoga, Nadi, Fiti – Aokuso 2018
- ⇒ Fonotaga lona 30 a le Komiti o Iloiloga o Lafoga (PRG), Pale, Farani – Setema 2018
- ⇒ Fonotaga lona 11 a Sui o le Fono Faa-le-Kelope a le Faalapotopotoga o Galuega Felagolagoai Tau le Tamaoaiga ma Atinae mo le Manino o le Fetufaiga o Faamaumauga Tau Lafoga, Uruguay – Novema 2018
- ⇒ Fonotaga a Sui o le Faalapotopotoga e Vaavaaia Tulaga Tau Auaunaga Tau Tupe Faava o Malo (GIFCS), Abu Dhabi – Novema 2018
- ⇒ Semina mo le Iloiloga lona 2 o Nauru i le Fetufaiga o Faamatalaga pe a Moomia – Novema 2018
- ⇒ Fonotaga lona 31 a le Komiti o Iloiloga o Lafoga (PRG), Pale, Farani – Fepuari 2019
- ⇒ Fonotaga a Sui o le Faalapotopotoga e Vaavaaia Tulaga Tau Auaunaga Tau Tupe Faava o Malo (GIFCS), Lonetona, Peretania – Aperila 2019
- ⇒ Fonotaga lona 32 a le Komiti o Iloiloga o Lafoga (PRG), Pale, Farani – Iuni 2019

5.2 Resitala Faatekonolosi

O lo o faaauau pea le faaleleia o le polokalame faatekonolosi o lo o fa'aaogaina e le SIFA mo le resitalaina o kamupani i le faaopopo ai o auala fou e faaitiitia ai nisi o faiga o lo o faatino i auala tuai e le faatekonolosi e faamautinoa ai le malu puipuia o faamatalaga. O nisi o auala fou e mafai ai ona faaleaoga se faamaumauga ua uma ona tuu i totonu o le polokalame faapea le aveesea mai o se faamaumauga mai le polokalame.

Ua uma foi ona toe faafou le polokalame faatekonolosi o le SRS e faaoga ai ia vaega eseese ua sili ona malu puipuia mo a tatou galuega.

5.3 Kalapu a le Aufaigaluega

I le 12 masina talu ai, o mea taua sa faatino e le Kalapu a le Aufaigaluega e aofia ai: **Suega Tupe** – Uokafoni, Faleoloa ma Ofu Ese i masina taitasi. **Mea fai a le Ofisa** – Valiga Ata o le Eseta, Faatauaina o le Aso o Tina/Tama, Faatauaina o le Aso Sa Pa'epa'e, Aso mo le Aufaigaluega a le Malo, Fiafia o le Kerisimasi e Faauma ai le Tausaga, o Failauga Faapitoa ma Aso mo Tonati e mafuta ai le aufaigaluega ma talatalanoa. E le gata i lea sa asia foi ia pepe fou, auai i faaipoipoga, faamavae ma i latou ua tuua le Ofisa, asiasi i latou sa gasegase, ma patipatia soifua ua fai i le lagi le folauga. I lona aotelega, ua mafai e le kalapu a le Aufaigaluega ona faataunuu lona faamoemoe o le faamalosiua i le Aufaigaluega a le SIFA ina ia maua se siosiomaga lelei e galulue ai.

6. Taunuuga o Galuega Tau Tupe a le SIFA

Otootoga o Faamatalaga o Tupe ua Sueina Faasuetusi:

Tulaga tau tupe:


Ua faamauina le siitia ai o aseta a le SIFA i le 2.5 pasene mai le SAT88.2 miliona i le tausaga ua mavae I le SAT90.4 miliona i leni tausaga. O nei aseta e tele i tinoitupe ma teugatupe faavaitaimi e tusa ma le 89.1 pasene.

Galuega Tau Tupe:

Ua faamauina le 1.3 pasene ua siitia ai Tupe Maua a le SIFA i le SAT31.5 miliona pe a faatusatusa i le SAT31.1 miliona i le tausaga talu ai. O leni siitaga e mafua mai i le tele o faamanuiaga na maua mai Teugatupe i le UTOS faapea tupe tului i teugatupe faavaitaimi i faletupe.

Ua faaitiitia Tupe Faaalu i le 19 pasene mai le SAT9.8 miliona i le tausaga talu ai i le SAT7.9 miliona i leni tausaga faale tupe. O leni faaititiga e mafua mai i le toe fuafuaina o faalauiloa ma lagolago tautupe. O le aofa'i o Tupe Mama Uma a le SIFA i leni tausaga e faaiuina i le Aso 30 Iuni 2019 e SAT23.5 miliona ma o se siitaga e 7.6 pasene mai le SAT21.8 miliona i le tausaga talu ai.

ATA 1:



FAAMATALAGA TAU TUPE

Lipoti a Faatonu	22
Faamatalaga a le Pulega	24
Lipoti a le Su'etusi Tuto'atasi	25
Faamatalaga o Tupe Maua ma Tupe Fa'aalu	29
Faamatalaga o le Tuufaatasiga o Meatotino ma Aitalafu	30
Faamatalaga o Fesuaiga o Tupe Faavae	31
Faamatalaga o Tupe Fetafea'i	32
Faamatalaga Tau Tupe	33

**Pulega o Tupe Faava o Malo a Samoa
Lipoti a Faatonu
Mo le Tausaga Faale-Tupe e Faaiuina i le Aso 30 Iuni 2019**

E tuuina atu e le Fono a Faatonu le latou Lipoti faatasi ai ma Faamatalaga Tau Tupe Faava o Malo a Samoa (“SIFA”) mo le tausaga faaletupe e faaiuina i le Aso 30 Iuni 2019, faapea ia le Lipoti a le Su’etusi e tusa ai ma le *Tulafono o le Pulega o Tupe Faava o Malo a Samoa 2005* (“Tulafono a le SIFA”).

Faatonu

O Sui nei o le Fono a Faatonu a le SIFA ao faagasolo le tausaga e oo mai i le taimi o lenei Lipoti:

Tuatagaloa Alfred Schwalger (Ta’ita’ifono)	Loau Donald Kerlake
Lemalu Hermann Paul Retzlaff (Loia Sili)	Maiava Atalina Ainuu-Enari (Kovana, Faletupe Tutotonu o Samoa)
Leasiosiofaasisina Galumalemana M. Oscar	Magele Philip Penn
Malielegaoi (Pule Sili o Matagaluega o Tupe)	
Muagututia Lafaele Ngau Chun	

O Sui o le Fono a Faatonu mai pisinisi tumaoti ua tofia e galulue mo le umi e 3 tausaga.

Galuega Autu

O galuega autu a le SIFA o le mata’itu ma vaava’ai le sologa lelei o le faatinoga o auaunaga tau tupe faava o Malo i Samoa. E le’i iai se suiga i galuega autu po o se suiga foi i ituaiga auaunaga o lo o faia.

Tulaga o lo o iai Galuega a le SIFA

I le manatu o Sui Faatonu:

- (i) O Faamatalaga o Tupe Maua ma Tupe Faaalu, Faamatalaga i Fesuiaiga o Tupe Faavae ma Faamatalaga o Tupe Fetafeai, ua tapenaina ia atagia lelei ai le tulaga tonu o lo o iai ia galuega a le SIFA ma o latou taunuuga mo le tausaga e faaiuina i le Aso 30 Iuni 2019;
- (ii) O Faamatalaga i le Tuufaatasiga o Paleni o Meatotino ma Aitalafu ua tapenaina ia atagia lelei ai le tulaga o lo o iai le tamaoaiga o le SIFA i le aso 30 Iuni 2019.

Taunuuga o Galuega a le SIFA

O tupe mama mo lenei tausaga e SAT23,484,930.00 (2018: tupe mama SAT21,823,326.00).

Faaputugatupe Lautele

Na faamaonia e le Fono Faatonu le vaega tupe e SAT21,685,987.00 e totogi atu i le Malo o Samoa mo lenei tausaga faaletupe e faai’uina i le aso 30 Iuni 2019 e tusa ai ma le *Tulafono a le SIFA*. O le SAT21,685,987.00 o le tupe na faamaonia e faauma ai le SAT6,685,987.00 o le paleni e le’i totogia mo le tausaga faaletupe na faai’uina ia Iuni 2018, faatasi ai ma le SAT15,000,000.00 mo le tausaga faaletupe na faaiuina i le aso 30 Iuni 2019.

Tupe e totogi i le Malo

O tupe totogi i le Malo ua fuafuaina e le Minisita e tusa ma fautuaga a le SIFA ma ua aofia ai ma tupe e tataua ona totogi i le Malo mai i tupe maua.

Pulega o Tupe Faava o Malo a Samoa
Lipoti a Faatonu
Mo le Tausaga Faale-Tupe e Faaiuina i le Aso 30 Iuni 2019 (faauau)

Mataupu tutupu talu mai le aso mulimuli o le tausaga faaletupe

E leai ni mataupu na tutupu talu le faai'uina o le tausaga faaletupe e moomia ai se suiga po o se faailoa i totonu o faamatalaga tau tupe.

O isi mataupu

I le aso o lenei Lipoti:

- E leai se aiaiga ua faamatuu atu ai aseta e lagolago ai se aitalafu a se tagata talu ona faamutaina le tausaga faaletupe;
- E leai se mea e ono noanoatia ai le Pulega talu ona faamutaina le tausaga faaletupe
- E leai foi se mea e noanoatia ai pe afaina ai le Pulega i lenei tausaga faaletupe po o le isi 12 masina e sosoo ai, ua manatu ai ia Faatonu e ono aafia ai galuega pe a oo mai.

E oo mai i le aso o lenei lipoti, e leai se mea o iloa pe e le'i faia e Faatonu i faamatalaga tau tupe a le Pulega e sese ai ia auala sa fuafuaina ai ia aseta ma noanoataga.

Mataupu e le masani ai

I le taunuuga o galuega a le Pulega i lenei tausaga faaletupe e oo mai i le aso o lenei lipoti, ua manatu ai Faatonu e le o iai se mea e aafia ai se vaega o faamatalaga tau tupe mai i mataupu e le masani ai vagana ai mea ua faailoa atu i faamatalaga tau tupe.

O lenei Lipoti ua faia e tusa ma le faaiuga a le Fono a Faatonu ma sainia ai mo Sui uma o Faatonu.



Tuatagaloa Alfred Schwalger
TA'ITA'IFONO



Maiava Atalina Ainuu-Enari
FAATONU

Aso: 24 Oketopa 2019

Aso: 24 Oketopa 2019

**Pulega o Tupe Faava o Malo a Samoa
Faamatalaga a le Pulega o le SIFA
Mo le Tausaga Faale-Tupe e Faaiuina i le Aso 30 Iuni 2019**

O LE MATAFAIOI O LE PULEGA I LIPOTI TAUTUPE

O Faamatalaga Tau Tupe ua tapenaina o le matafaioi lea a le Pulega o le SIFA (Pulega). Ua tapenaina e tusa ma Alafua Faava o Malo mo le Sauniaina o Lipoti Tau Tupe ma e aofia ai aofaiga na fuafua ma faatatau lelei e le Pulega.

Ua mae'a tapena ma faatulaga e le Pulega auala faatausi tusi e aofia ai ta'iala tusitusia ma auala masani e limata'ita'iina ai tulaga uma tau tausi tusi. O nei faiga e mafai ai ona talitonuina faamatalaga tau tupe ua tapenaina; atoa ai ma le malu puipuia o aseta a le SIFA.

O le Fono a Faatonu e mata'ituina le Pulega i le faatinoga o matafaioi e faatatau i Faamatalaga Tau Tupe. Ua mae'a foi ona silasila le Fono a Faatonu i Faamatalaga Tau Tupe ua tapenaina ma ua latou faamaonia e tusa ai ma fautuaga a le Pulega o le SIFA.

O le Su'etusi Tutoatasi, le BDO, na tofia e le Su'etusi Sili o le Malo Tutoatasi o Samoa e su'esu'eina Faamatalaga Tau Tupe ua tapenaina. Ua tuuina atu foi le lipoti a le Ofisa Su'etusi Sili a Samoa o lo o faamatalatala ai vaega na aafia i a latou su'esu'ega ma le latou manatu faasuetusi.



Li'o Heinrich Siemsen
Sui Pule Sili mo le Taimi Nei

Aso: 1 Novema 2019



Desmond Chan Ting
Pule o Tupe

Aso: 1 Novema 2019



Please address all correspondences
to the Controller and Auditor General

LIPOTI A LE OFISA SUETUSI

MO FAATONU O PULEGA – PULEGA O TUPE FA'AVA-O-MALO A SAMOA

Manatu Fa'asuetusi

Ua mae'a ona matou su'eina Faamatalaga Tau Tupe o lo'o faapipi'i faatasi atu a le Pulega o Tupe Fa'ava-o-Malo a Samoa, e aofia ai le Faamatalaga Tau Tupe e pei ona iai i le aso 30 Iuni 2019, ma Faamatalaga o Tupe maua ma tupe fa'aalu, fa'amatalaga o fesuiaiga o tupe faavae, ma fa'amatalaga o tupe fetafea'i, mo le tausaga e pei ona faai'uina ai, fa'atasi ai ma le oototoga o tu'utu'uga iloga faatausi tusi ma faamatalaga faaopoopo. O Suetusi Aloaia Fa'alauaitetele, BDO, na fesoasoani i lenei suega o tusi. Sa ta'ita'ia lenei galuega ua fa'ai'uina i lenei mataupu po'o le lipoti Fa'a-Suetusi tutoatasi e Taimalie Ernest Betham.

I lo matou manatu, ua tuuina mai Faamatalaga Tau Tupe se vaaiga e tonu ma talafeagai le tulaga tau tupe a le Pulega o Tupe Fa'ava-o-Malo a Samoa, e pei ona iai i le aso 30 Iuni 2019, ma ana faatinoga faale-tupe, fesuiaiga o tupe faavae, ma ana tupe fetafeaa'i mo le tausaga na faai'uina ai e tusa ai ma Aiaiga Fa'ava-o-Malo i le Fa'alauiloaina o Lipoti Fa'ale-tupe.

Fa'avae o le Manatu Fa'asuetusi

Sa fa'atino la matou su'ega e tusa ai ma Aiaiga Faa-Su'etusi Fa'ava-o-Malo. O la matou matafaioi i lalo o nei aiaiga o lo'o fa'amanino atili atu i le vaega o Matafaioi Fa'a-Suetusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Pulega o Tupe Fa'ava-o-Malo a Samoa e tusa ai ma Aiaiga Fa'ava-o-Malo Fa'a-tausi Tusi e manaomia lo matou tautu i manaoga amiotonu talafetaui e fa'atatau i le auaunaga Fa'a-Su'etusi i totonu o Samoa. Ua matou faamalieina uma tulaga mo'omia o Aiaiga Fa'ava-o-Malo e pei ona taua i luga. Ua matou talitonu e fa'apea o mau Fa'a-Suetusi na matou maua ua lava ma fetau i tuuina mai ai se fa'avae mo lo matou manatu Fa'a-Suetusi.

O le Matafaioi a le Fono a Faatonu ma le Pulega Mo Faamatalaga Tau Tupe

O le Fono a Faatonu ma le Pulega, e ia te i latou le matafaioi mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloaina o Fa'amatalaga Tau Tupe. O lenei matafaioi e aofia ai le fuafuaina, le faatinoina, ma le faaauauina o pulega faalotoifale talafeagai, le filifilia ma le faaogaina o faiga fa'avae Fa'atausi Tusi ua talafetaui ma le saunia ma le tuuina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio pi'opi'o.

I le saunia o Fa'amatalaga Tau Tupe e tatau i le Fono Fa'atonu ma le Pulega ona fa'amautinoa le mafai ai e le Pulega o Tupe Fa'ava-o-Malo a Samoa, o le fa'aauauina o ana galuega ma fa'agaoiiga fa'ale-tupe ma fa'ailoa i le tulaga e tatau ai mataupu e a'afia ai le lumana'i fa'aauau ma fa'aaogā ai le talitonuga maumaututu i lenei lumana'i fa'aauau sei vagana ai ua ta'atia se fa'amoemoe o le Fono Fa'atonu ma le Pulega, e tapunia le Pulega o Tupe Fa'ava-o-Malo a Samoa ma taofia uma ana galuega po'o o le lei foi o se isi fa'amoemoe ma'utinoa e toe fa'aauau ai.

O le Fono a Faatonu, e nafa ma le mata'itūina o le sologa lelei o Fa'amatalaga Tau Tupe a le Pulega o Tupe Fa'ava-o-Malo o Samoa.

Matafaioi a le Suetusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Faa-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auiliiliina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniaga talafeagai peita'i e lē mafai ona maua se ma'utinoa atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se suega e tusa ai ma Aiaiga Faa-Suetusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i le aotelega atoa, ma e ono a'afia ai fuafuaga i mataupu tau tupe a i latou o le a fa'aogaina Fa'amatalaga Tau Tupe ma fa'avae mo nei fuafuaga.



AUDIT OFFICE

Please address all correspondences
to the Controller and Auditor General

E tusa ai ma Aiaiga Faa-Su'etusi Fa'ava-o-Malo, e faatino la matou su'ega i le tulaga maualuga ma le tomai fa'apitoa. E faapea foi ona matou:

- Faailoa ma auilili ni lamatiaga o fa'afitauli ma fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma faatino gaoioiga e tali atu i nei lamatiaga, ma faamauina mau faasu'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinauiga, pepelo, ave ese ma le iloa, fa'amatalaga sese, po'o le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioiga talafeagai i ia tulaga ae lē mo le faamoemoe e fa'aalia se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aaogaina ma le talafetaui o fua fa'ataui Fa'atausi Tusi ma fa'amatalaga feso'otai a le fonu a Fa'atonu ma le Pulega.
- Fa'amautu le talafeagai o le fa'aaogaina e le fonu a Fa'atonu ma le Pulega o le fa'avae Fa'a-tausi Tusi o le gafatia o le fa'aaauu o le auaunaga a le Pulega o Tupe Fa'ava-o-Malo a Samoa ma fa'avae i mau Fa'a-Suetusi sa tuuina mai, po'o iai se lē mautonu i tulaga ma aiaiga e fa'atatau i le mafai ona fa'aaauu le auaunaga a le Pulega o Tupe Faava-o-Malo a Samoa i le lumanai. Afai ae fa'amautu o lo'o iai se tulaga lē mautinoa, e mo'omia le fa'ailoa i le matou lipoti Fa'a-Su'etusi o fa'amatalaga feso'otai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou suega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aaauu o le auaunaga a le Pulega o Tupe Faava-o-Malo a Samoa ma ono fa'amuta ai ana galuega faatino.
- Iloilo le fa'ataatiaga, folasaga ma le anotusi o Fa'amatalaga Tau Tupe e aofia ai fa'amatalaga fa'aopoopo po'o fa'ailoa ai fefa'atauaiga ma gaoioiga i se tulaga talafeagai.

E matou te feso'otai ma le fonu a Fa'atonu ma le Pulega e fa'ataui i le fa'atinoina o le matou su'ega ma sailiiliga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Manatu i luga o isi Aiaiga Faa-le-tulafono

I lo matou manatu, o fa'amatalaga tau tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le:

- Tulafono o Fa'alapotopotoga o Samoa a le Malo (Fa'atinoga o Galuega ma le Mafai ona Tali Atu) 2001, ma le
- Tulafono o Pulega o Tupe a le Malo 2001.

Ua matou faamautinoa foi:

- Sa matou mauaina uma fa'amatalaga ma fa'amalamalaga manaomia mo le matou su'ega; ma
- Sa tausia lelei tusi ma fa'amaumauga o tupe a le Pulega e tusa ai ma la matou sailiiliga o ia tusi ma fa'amaumauga.

Sa fa'amae'a la matou galuega i le aso 25 Oketopa 2019 ma o lo matou manatu fa'asu'etusi o lo'o fa'avae mai i lea aso.

Apia, Samoa
30 Oketopa 2019


Jaslyn T. Mariner Leota
SUI PULE MA SUETUSI SILI

LIPOTI A LE SUETUSI TUTOATASI

I le Pule Fa'afaoe ma le Suetusi Aoa

Ripoti a le Suetusi i Fa'amatalaga o Tala o Tupe

Manatu o le Suetusi

Ua mae'a ona matou suesueina fa'amatalaga o tala o tupe a le Pulega o Tupe Faa-va-o-Malo a Samoa (le Pulega), e aofia ai:

- Fa'amatalaga o Tu'ufa'atasiga o Pāleni o Meatōtino ma Aitālafu i le aso 30 Iuni 2019;
 - Fa'amatalaga o Tupe Maua ma Tupe Fa'aaoga, Fa'amatalaga i suiga o tupe faavae ma Tupe Fa'aagaga, ma Fa'amatalaga o le Fa'agasologa o Tupe Maua ma Tupe Fa'aaoga mo le tausaga faai'uina i le aso 30 Iuni 2019;
- ma
- Fa'amatalaga au'ili'ili i Tala o Tupe;

O lo matou manatu, o lipoti fa'aletupe o lo'o aumaia se va'aiga tonu ma le talafeagai o tulaga tau tupe, o meatotino ma aitalafu a le Pulega o Tupe Faa-va-o-Malo a Samoa (le Pulega) i le aso 30 Iuni 2019, ma ana faatinoga fa'aletupe i tulaga tau tupe maua ma tupe fa'aaoga, suiga o tupe faavae, faapea tinoitupe maua ma tinoitupe totogi mo le tausaga faaiuina 30 Iuni 2019, e tusa ai ma Tulafono Faatausitusi Faa-va-o-malo (IFRS)

Fa'avae o le Manatu a le Su'etusi

Ua fa'atautaia a matou su'egatusi e tusa ai ma aiaiga a le Tulafono Faasuetusi Faa-va-o-malo (International Standards of Auditing). O la matou tiute tau'ave e tusa ma ia tulafono o le a fa'amatalatala au'ili'ili i le vaega o i lalo e ta'ua o le 'Matafaioi a le Su'etusi mo le Su'esu'eina o Fa'amatalaga o Tala o le Tupe'.

O matou e tuto'atasi mai le Pulega o Tupe Faa-va-o-Malo a Samoa ma ona vaega uma, e tusa ai ma Tulafono Fa'ata'atitia mo Su'etusi po'o Tausitusi ua iai le tomai ma le agava'a (IESBA Code) fa'atasi ai ma tapula'a amiotonu e talafeagai ma ala-ga tatau i su'esu'ega o fa'amatalaga o tala o tupe i totonu o Samoa, faapea fo'i isi o matafaioi fa'atulafonoina.

Matou te talitonu, o fa'amatalaga ma fa'amaoniaga sa matou taulimaina, ua talafeuga ma ua lava lea e fai ma fa'avae o le manatu a le su'etusi.

O isi Faamatalaga

O le Komiti Faatonu e nafa ma isi Faamatalaga. O isi Faamatalaga e aofia ai faamatalaga o lo'o i totonu o lipoti a le Komiti Faatonu, ae le aofia ai faamatalaga tautupe ma lipoti a le su'etusi. O le lipoti a le su'etusi i luga o faamatalaga tautupe, e le aofia i isi Faamatalaga ma matou te le fa'aalia soo se itu'aiga faamautinoaga mautu.

O le feagai ai ma suesuega i faamatalaga tautupe, matou te faitau ma saili'ili lelei pe e le'o ogatusa isi Faamatalaga ma faamatalaga tautupe, po'o lo matou iloa foi na maua mai i suesuega po'o se isi foi mea e foliga mai o lo'o faaaoga seseina.

Pe afai e fa'avae i luga o le galuega na o matou faatino, e tualuga se manatu e iai se faamatalaga sese o isi Faamatalaga, ma e manaomia ai se lipoti. O le faai'uga, e leai ni faamatalaga sese na maua i suesuega sa faatinoina.

Matafaioi a le Komiti Fa'atonu ma le Fono Aoao i Fa'amatalaga o Tala o le Tupe

O le Fono Aoao e fita-i-tonu ai le tapenaga ma le tuuina atu o lipoti faaletupe e tusa ai ma Tulafono Fa'atausitusi Fa'a-va-o-malo. O lenei matafaioi, o le Fono Aoao e nafa ma le faamautuina ma le tausisia o alafua faalotoifale e talafeagai i tapenaga ma le tuuina atu o lipoti faaletupe, e aunoa ma se tulaga ma ni faamatalaga sese e mafua mai aga tautaaese po o ni sasi; filifiliga ma le fa'aogaga o faiga faavae faatausitusi le talafeagai; ma le faia o faataau faatausitusi e fetui lelei ma tulaga eseese o iai.

I le tapenaga ma le tu'ufa'atasiga o Tala o le Tupe, o le Fono Aoao e nafa lea ma le fa'atinoina o se galuega su'esu'e o le Pulega o Tupe Faa-va-o-Malo a Samoa e fa'ataua lea i le ono gafatia pe iai fo'i se fuafuaga o le a le la'asia ai e le Pulega le isi 12 masina lumanai o le tausaga faaletupe fa'amauiina. E faapea foi faamaumauga tatau o nei su'esu'ega.

O le Komiti Fa'atonu ma le Fono Aoao e nafa lea ma le lipoti o tala o tupe a le Pulega o Tupe Faa-va-o-Malo a Samoa.

Matafaioi a le Suetusi mo le su'esu'eina o Faamatalaga o Tala o le Tupe

O le matou matafaioi o le fa'aalia lea o se manatu i luga o lipoti fa'aleupe e fua mai i a matou suesuega sa fai. Sa faia a matou suesuega e tusa ai ma Tulafono Fa'asuetusi Fa'a-va-o-malo. O nei Tulafono Fa'asuetusi e mo'omia ai lo matou usita'ia o tulaga fa'ata'iala talafeagai, e feso'otai ma galuega ma polokalame fa'asuetusi ma ia fa'atino suesuega ina ia fa'amauiina lelei ma e leai ni tulaga ma ni fa'amatalaga e le o ato'atoa o i totonu o nei lipoti fa'aleupe.

O le galuega fa'asu'etusi e aofia ai le fa'atinoina o auala e maua mai ai fa'amaoniga e fa'ataua i paleni ma tulaga ua fa'aalia i totonu o lipoti fa'aleupe. O auala e filifilia e fa'alagolago i luga o le fautuaga a le suetusi, e aofia ai iloiloga o a'afiaga o tulaga ma fa'amatalaga sese o lipoti fa'aleupe, e mafua mai i auala tautaaese po o ni sasi. I le iloiloga o na a'afiaga, e taga'i le su'etusi i alafua fa'alotoifale talafeagai i le tapenaga, ma le tu'uina atu o lipoti fa'aleupe ina ia fausia mai ai auala e fetui lelei i tulaga ese'ese o iai, ae le mo se fa'amoemoe e fa'aalia ai se manatu i le fa'agaioiga o alafua fa'alotoifale o le Pulega o Tupe Faa-va-o-Malo a Samoa. O se su'egatusi foi e aofia ai le fa'atausitusi na faia e le Fono Aoao, faapea le tagataga'i i le folasaga atoa o lipoti fa'aleupe.

Matou te talitonu o fa'amaoniga ua matou maua mai suesuega sa fai, ua lava lelei ma talafeagai e saunia ai se fa'avae mo so matou manatu fa'asuetusi.

Lipoti i isi tulaga manaomia fa'aleulafono ma paleni

O lo matou manatu, o fa'amatalaga o tala tautupe ua tapenaina, ua tusa ma ogatasi ma:

- i. tulafono o Fa'alapotopotoga a le Malo (Fa'atinoga o Galuega ma le Mafai ona Tali Atu) 2001, ma le
- ii. tulafono o le Pulega o Tupe a le Malo 2001.

Matou te fa'amauiina foi:

- a. ua matou maua uma fa'amatalaga, o fa'amalamalamaga ma le fesoasoani e tatau ai mo le ta'ita'ia o le su'egatusi; ma
- e. ua tautaaese e le Pulega fa'amaumauga uma o mea tautupe ina ia mafai ai ona tapenaina ma su'eina Fa'amatalaga o mea tautupe.

**BDO
OFISA TAUSI TUSI**



**Hanalei Betham
Tausitusi Aloa'ia**

Samoa
24 Oketopa 2019

Pulega o Tupe Faava o Malo a Samoa
Faamatalaga o Tupe Maua ma Tupe Fa'aalu
Mo le Tausaga Faaiuina i le Aso 30 Iuni 2019

	Faamatalaga	2019 SAT	2018 SAT
Tupe Maua			
Kamupani Fou ma Totogifuapau Fa'aletausaga		25,530,917	26,051,029
Totogifuapau o Laisene		251,943	242,057
Isi Tupe Maua ma Tupe Faasili		2,135,412	1,350,975
Tupe Tului		3,637,694	3,493,061
		31,555,966	31,137,122
Aofaiga o Tupe Maua			
Tupe Fa'aaoga			
Totogi o le Su'eina o Tusi		31,535	34,666
Faaitiitiga i Tau o Aseta	6	266,343	257,979
Faaitiitiga i Tau o Polokalame Komepiuta	7	115,402	104,395
Fesootaiga		86,515	81,801
Totogi o Faatonu		76,500	73,296
Faaagaga mo Nonogatupe Faaletonu		24,054	-
Lomiga ma Pepa		88,569	144,535
Faalauiloa	13	2,792,000	4,249,053
Tau mo le Ofisa		408,026	412,072
Totogi o le Aufaigaluega		2,625,907	2,459,825
Isi mea		1,458,314	2,031,824
		7,973,164	9,849,446
Aofaiga o Tupe Fa'aaoga			
Isi Faasiliga/Gau			
Faasili/(gau) e le'i liliutupeina	9	-	120,000
Faasili/(gau) i le fesuiaiga o tupe		662,253	415,650
Faaalu i le fuafuaina o le ata o le fale		(940,125)	-
Aofaiga o isi Faasiliga/(Gau)		(277,872)	535,650
Tupe Mama mo le Tausaga			
O isi tupe maua tuufaatasi			
<i>O mea e le toe lipotia i tupe maua ma tupe gau:</i>			
O le suiga i le tau talafeagai o iunite	9	180,000	-
Aofaiga o tupe maua tuufaatasi mo le tausaga		23,484,930	21,823,326


O faamatalaga ua faaopopo atu o se vaega ta'ua o nei Faamatalaga Tau Tupe.

**Pulega o Tupe Faava o Malo a Samoa
Faamatalaga o le Tuufaatasiga o Meatotino ma Aitalafu
Mo le Tausaga Faaiuina i le Aso 30 Iuni 2019**

	Faamatalaga	30 Iuni 2019 SAT	30 Iuni 2018 SAT
Aseta e le faaliliuina i tupe i se taimi vave			
Fale ma Masini	6	6,227,641	6,543,110
Fanua o lo o taofi mo le faatauina		-	57,219
Aseta e le fai tino	7	331,758	411,560
Tupe Nono atu ma tupe ua vave totogi	8	1,158,560	1,474,903
Tupe o lo o Faafaigaluega	9	27,730,000	15,550,000
Aofaiga o asetā e le faaliliuina i tupe i se taimi vave		35,447,959	24,036,792
Aseta e mafai ona faaliliuina i tupe i se taimi vave			
Tinoitupe ma isi ituaiga tautupe	10	52,912,229	62,387,609
Tupe Nono atu ma tupe ua vave totogi	8	2,074,565	1,786,544
Aofaiga o asetā e mafai ona faaliliuina i tupe i se taimi vave		54,986,794	64,174,153
Aofaiga o asetā		90,434,753	88,210,945
Aitalafu e Vave Totogi			
Tupe vave totogi mai ma pili e le'i totogia	11	1,944,230	1,509,886
Tupe Fa'aagaga	12	62,428	71,907
Aofaiga o Aitalafu		2,006,658	1,581,793
Aseta Faasili		88,428,095	86,629,152
Tupe Faavae			
Faaputuga Tupe Lautele		88,428,095	86,269,152
Aofaiga Atoa o Tupe Faavae		88,428,095	86,269,152

O faamatalaga ua faaopopo atu o se vaega ta'ua o nei Faamatalaga Tau Tupe.

Sainia mo Sui uma o le Fono Faatonu a le Pulega o Tupe Faava o Malo a Samoa i le Aso 24 Oketopa 2019.


 Tuatagaloa Alfred Schwalger
 Ta'ita'ifono


 Maiava Atalina Ainuu-Enari
 Faatonu

Apia
 Samoa

Apia
 Samoa

Aso: 24 Oketopa 2019

Aso: 24 Oketopa 2019

**Pulega o Tupe Faava o Malo a Samoa
Faamatalaga o Fesuaiga o Tupe Faavae
Mo le Tausaga Faaiuina i le Aso 30 Iuni 2019**

	Faamatalaga	2019 SAT	2018 SAT
Paleni o Faaputuga Tupe Lautele i le amataga o le tausaga		86,629,152	73,119,838
Faaopopo:			
Tupe mama o le tausaga		23,304,930	21,823,326
Isi tupe maua o le tausaga	9	180,000	
Toese Tupe Totogi i le Malo o Samoa		(21,685,987)	(8,314,012)
Paleni o Faaputuga Tupe Lautele i le faaiuga o le tausaga		88,428,095	86,629,152

O faamatalaga ua faaopopo atu o se vaega ta'ua o nei Faamatalaga Tau Tupe.

Pulega o Tupe Faava o Malo a Samoa
Faamatalaga o Tupe Fetafea'i
Mo le Tausaga e Faaiuina i le Aso 30 Iuni 2019

	Faamatalaga	2019 SAT	2018 SAT
Tupe faagasolo mai galuega			
Tupe maua mai totogifuapau ma laisene		26,575,214	27,363,236
Tupe alu i tagata faigaluega		(2,726,087)	(2,666,070)
Tupe alu mo lisi ma le faaleleia o le Ofisa		(279,618)	(295,932)
Tupe alu i faalauiloa		(2,605,116)	(4,026,990)
Tupe alu i isi mea		(1,995,791)	(2,792,764)
Tupe vave teuina mai		390,508	(247,399)
		19,359,109	17,334,082
Tupe faagasolo mai teugatupe faavaitaimi			
Tupe maua mai tului		4,622,527	3,610,755
Tupe faasili mai le faatauina o aseta		17,165	-
Tupe alu mo le faatauina o aseta		(161,282)	(462,338)
Tupeteu faavaitaimi i le UTOS		(12,000,000)	-
		(7,521,591)	3,148,418
Tupe faagasolo i gaioiga tau tupe			
Tupe totogi i le Malo o Samoa		(21,685,987)	(8,314,012)
		(21,685,987)	(8,314,012)
Faateleina /(faaitiitia) i tinoitupe			
Tinoitupe ma isi ituaiga tautupe i le amataga o le tausaga		(9,848,469)	12,168,488
		62,098,446	49,514,308
Faaopopo: Faasiliga mai le Faaliliuina o Tupe		662,253	415,650
Tinoitupe ma isi ituaiga tautupe i le faaiuga o le tausaga	10	52,912,229	62,098,446

O faamatalaga ua faaopopo atu o se vaega ta'ua o nei Faamatalaga Tau Tupe.

Pulega o Tupe Faava o Malo a Samoa
Faamatalaga Tau Tupe
Mo le Tausaga e Faaiuina i le Aso 30 Iuni 2019

1. Faamatalaga Lautele

O le Pulega o Tupe Faava o Malo a Samoa ua faavaeina i lalo o le *Tulafono o le Pulega o Tupe Faava o Malo a Samoa 2005*. O lona ofisa tutotonu ma le nofoaga autu o ana galuega o lo o i le Fogafale 6 o le Faletupe o Atinae a Samoa. O lo o faafoe ma vaavaaia e le SIFA le resitalaina o kamupani, laiseneina o teugatupe, laiseneina o kamupani inisiua, laiseneina o kamupani o faaputugatupe sofofaatasi, ma le laiseneina o kamupani tausii mavaega i lalo o tulafono eseese o auunaga tau tupe faava o Malo.

2. Le fa'aaogaina o alafua fou ma alafua ua toe iloilo

O alafua fou na amata fa'aaogaina mai i le Aso 1 Ianuari 2018

IFRS 15 'Tupe Maua mai Konekarate Faifaapaaga'

O le 2018 na fa'aaogaina ai e le Pulega ia ta'iala mo le aloa'ia ai o tupe maua mai konekarate ma paaga. O lenei ta'iala sa fa'aaogaina ai le faiga toe fetuutuuna'i i tua (ina ia maua uma ai) suiga e i ai aafiaga ogaoga i faamatalaga o tulaga o tupe i le aso 1 Ianuari 2018, ua tuufaatasia ma faailoa o se suiga e tasi i paleni amata o tupe mama faaputu mai i isi tausaga. I lea tulaga, e le moomia le toe faailoa ai e le Pulega o se isi faamatalaga lona tolu o tulaga o tupe i lona aso.

E leai se suiga i le aso na amata ai lea ta'iala, 1 Ianuari 2018, i le faavasegaina ma le fuapauina o tupe maua a le Pulega.

IFRS 9 'Faiga Tautupe'

O le IFRS 9 ua suia ai le IAS 39 'Faiga Tautupe: Amana'iaina ma Fuafuaina'. O lenei alafua ua afua ai suiga taua i le alafua muamua i le faavasegaina ma le fuafuaina o aseta tautupe, ma faaofi mai ai le auivi o le "fuafuaina o tupe e ono gau" mo aseta tautupe ua faaletonu. I le fa'aaoga aloaia ai o le IFRS 9, sa faatino ai e le Pulega ia fesuiaina fetu'utu'unai o lo o mafai ona fai, ma manatu ai e le tau toe faailoa mea ua uma ona lipotia i tausaga ua te'a. O eseese ua tutupu mai i le IFRS 9 e pei o le faavasegaina, fuafuaina ma le faaletonu o faiga tautupe e lipotia lea i tupe mama o lo o faaputu.

O le fa'aaogaina o le IFRS 9 e aafia ai ia vaega nei:

- Le faavasegaina ma le fuafuaina o aseta tautupe a le Pulega. O le Pulega a le Ofisa e faafoeina ia ana aseta tautupe ma aoina ia tupe o lo o maua mai ai. O teugatupe faapolomisi i le UTOS sa faavasegaina talu ai o teugatupe o lo o taofi se'ia matua (HTM) e tusa ai ma le IAS 39 ma o lo o fa'aaauu pea ona faamauiina i lona tau faaitiitia ona o lo o fetau ma faiga o le umia ai ma le aoina o tupe faapea uiga o tupe fegasoloai e tusa ai ma le IFRS 9.
- O teugatupe faavaitaimi a le Pulega e mafai ona liliu i isi teugatupe sa fua i le tau talafeagai ma lipotia i tupe mama ma tupe gau (FVTPL) o lo o fa'aaauu pea ona fua i le auala lava lea (FVTPL).
- O teugatupe faavaitaimi a le Pulega i tupe faavae (iunite i le UTOS e le fefa'ataua'ia) sa faatulaga muamua o aseta tautupe e mafai ona faatau atu sa fua i le tau talafeagai i le aso tonu e lipotia ai i lalo o le IAS 39 ua uma nei ona toe faavasega i ona tau talafeagai i lalo o isi Tupe Maua Tuufaatasi (FVTOCI).
- O faaletonu i aseta tautupe e faaoga ai le auala o lo o fuafua ai tupe e ono gau. O lenei faiga e aafia ai nonogatupe ma teuga tupe faavaitaimi i le mafai ai ona toe totogi mai ai o aitalafu ma aseta tautupe e fua i tau faaitiitia. O le auala e fuafua ai tupe e ono gau e moomia ai le lipotia e le Pulega o tupe uma e ono gau ma suiga i tupe i aso e tatau ona lipotia ai, ina ia atagia ai faafitauli i nonogatupe talu ona amana'iaina ia aseta tautupe. I se isi faamatalaga faigofie, e le toe talafeagai le tupu muamua o se gau ona faatoa faailoa lea o lea gau. I lea tulaga e moomia e le IFRS 9 le Pulega e fua le aofaiga o tupe e ono gau faaagaga e tusa ma le umi o fuafuaaga o tupe e ono gau pe afai o lamatiaga i tupe e ono le toe maua ua faatupulaia talu ona umia lea aseta

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

tautupe. Ae afai o lamatiaga i tupe e ono le toe maua mai i ia faamoemoega tautupe, e le o matua faatupulaia, e tata i le Pulega ona fuafaatatau le aofaiga o tupe e ono gau i le 12 masina. E moomia foi e le IFRS 9 auala faafaigofie e fua ai le aofaiga o tupe e ono gau faaagaga e tusa ma le umi o nonogatupe, aseta faakonekarate ma lisi toe totogi mai tulaga faapitoa.

O faiga tautupe a le Pulega i le mua'i faaogaina o le alafua i le aso, 1 Ianuari 2018

	<u>Vaega e fua ai</u>		Paleni totoa 30 Iuni 2018 IAS39	<u>Tau tauave</u>	Paleni amata 1 Iulai 2018 IFRS 9
	Vaega IAS 39	Vaega Fou IFRS 9		Amataina o le IFRS 9	
			SAT	SAT	SAT
Aseta tautupe e le vave faaliliuina i tinoitupe					
Iunite i le UTOS	E mafai ona toe faatau	FVTOCI	2,960,000		2,960,000
Teugatupe Faapolomisi i le UTOS	Taofi se'i matua	Tau Faaitiitia	10,470,000		10,470,000
Teugatupe e mafai ona liliu i le UTOS	FVTPL	FVTPL	2,000,000		2,000,000
Nonogatupe a le Aufaigaluega	Nonogatupe ma tupe vave totogi	Tau Faaitiitia	1,610,098		1,610,098
Aseta tautupe e mafai ona faaliliuina i tupe i se taimi vave					
Tinoitupe i faletupe ma tupe teu faavaitaimi	Nonogatupe ma tupe vave totogi	Tau Faaitiitia	62,098,446		62,098,446
Aofaiga o le paleni o aseta tautupe			79,138,544		79,138,544

Alafua, suiga ma faamalamalamaaga e le'i faatinoa pe vave faaoga e le Pulega

I le aso na faamaonia ai nei faamatalaga tautupe, o nisi o vaega fou, o Alafua, suiga i Alafua o lo o i ai i le taimi nei ma Faamalamalamaaga sa faailoa e le IASB e le'i amataliaina. O nei Alafua, suiga i Alafua ma Faamalamalamaaga e lei vave faaogaina e le Pulega.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

O le manatu o le Pulega o folafolaga uma nei o le a amata faatino i le uluai taimi i le aso tonu e folafola ai po o le tuanai ai o le folafolaga. O Alafua fou, suiga ma faamatalaga e le'i faatinoina ua le lisina atu i lalo ma le faailoaina atu ona o lo o iai le manatu e le tele sona faaaogaina i faamatalaga tautupe a le Pulega.

IFRS 16 'Lisi'

O le IFRS 16 ua suia le IFRS 17 'Lisi ma isi Faamalamalamaaga e tolu e o faatasi. O lenei poloketi umi a le IASB e faamae'a ai le faaleleia o faaumauga o lisi. O lisi o le a faamau i faamatalaga o tulaga tautupe mo aiatatau e faaoga ai ma noanoatia ai. I le IFRS16, e lua ia faamama avega taua mo aseta e laiti o latou tau ma lisi pupuu e i lalo ifo o le 12 masina.

O le IFRS 16 e amatalia lona faaaogaina mai le piliota e amata i le/pe o le tuanai o le, aso 1 Ianuari 2019. E mafai ona vave faaoga lenei Alafua aepeitai ua filifili le Pulega e le vave faaaogaina.

O lo o vaavaai foi le Pulega i aafiaga tonu o lenei Alafua. I le taimi nei, e manatu le Pulega o le aafiaga tele o le amanaia lea o aia tatau e faaoga ai aseta ma noataga i lisi mo ofisa a le SIFA lea o lo o lipotia o lisi mo na o le faaaogaina. O lo o iai ia noanoataga o lisi e SAT283,932.00 o lo o totoe mo le Ofisa. O lona uiga o lea tupe faaalu o le a suia mai i le lisi mo galuega, i tau faaititia o aseta ma tupe tului faaalu.

3. Faamatalaga Tāua o Faiga Faavae o Faamatalaga Tau Tupe

O taiala faatausi tusi sa faatino ai le tapenaina o faamatalaga tautupe o lo o taua atu i lalo. O ia taiala o lo o faaaogaina i faamatalaga atoa o faamatalaga tautupe o le tausaga, seia vagana ua iai se mafuaaga.

a. Faavae o le Tapenaina o faamatalaga

O Faamatalaga Tautupe a le Pulega o Tupe Faava o Malo a Samoa ua tapenaina e tusa ai ma Alafua Faava o Malo mo le Lipotiina o Faamatalaga Tautupe (IFRS).

Ua tapenaina Faamatalaga Tautupe e tusa ma tau sa faatauina ai, vagana nisi mea totino ma faiga tautupe sa toe fua i tau fou po o tau talafeagai i le faaiuga o le piliota tau tupe e pei ona faamatalaina i faiga faavae tautupe o lo o i lalo.

O tau na faatauina ai e masani ona fua i tau talafeagai na totogi ai se oloa po o se auaunaga.

O le tau talafeagai o le tau lea na maua mai i le faatauina atu o se aseta pe na totogiina atu e soloia ai se aitalafu e pei ona masani ai i latou i le maketi i aso o fefaataua'iga, e ui o iai se tau ua uma ona fuafua e faaoga ai nisi auala o faiga o tau. I le fuafuaina o se tau talagafeagai o se aseta po o se aitalafu, e vaavaai le Pulega i vaega eseese o le aseta po o le aitalafu pe afai o lo o faatauina e i latou o lo o i le maketi ia vaega eseese i le aso tonu e fuafua e faatau ai. O tau talafeagai e fua ai /pe faailoa ai i faamatalaga tautupe o lo o faapea lava ona fai.

e. Faaliliuina o tupe o isi atunuu

O vaega eseese ua lipotia i faamatalaga tautupe o lo o fua i le tupe a le atunuu lea e iai ia le Pulega ma o le Tala Samoa (SAT). O le Pulega o lo o i Samoa ma o faamatalaga o ana tupe o lo o faaalii (tupe o lo o faaaogaina) i tupe Samoa (SAT).

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

3. Faamatalaga Tāua o Faiga Faavae o Faamatalaga Tau Tupe (faaaau)

O pisinisi o lo o faia i tupe a isi atunuu ua faaliliuina i le Tala e faaoga ai le fua faatatau e fesuia'i ai ia tupe i le taimi na faia ai le gaoioiga faapisinisi. O tupe faasili po o tupe gau e mafua mai i le taimi o fesuiaiga ma le faaliliuina i le faaiuga o le tausaga o aseta ma aitalafu e faamauina i totonu o tupe maua po o tupe gau. O aseta tautupe ma aitalafu na faia i tupe a isi atunuu i tau sa faatauina ai ua faaliliu i tupe Samoa e fa'aaoga ai le fua faatatau o fesuiaiga i le taimi na fai ai.

O faasiliga ma gau i fesuiaiga o tupe a isi atunuu e faatatau i aitalafu ma isi tupe ua faailoa i tupe mama po o tupe gau ua tuufaatasi ma isi faaliliuga uma i totonu o tupe maua po o tupe gau.

i. Faatusatusaga o fuainumera

Ina ia mautinoa o lo o talitutusa ma le tausaga lenei ia fuainumera o lo o i faamatalaga tautupe, o lea ua toe fetuuna'i ai fuainumera i le tausaga ua mavae i le mea e tatau ai.

o. Tupe Maua

Tuufaatasiina o kamupani ma auaunaga e toe faafouina ai ia kamupani lesitala

O le Pulega e maua le tele o ana tupe mai le tuufaatasia o kamupani faava o Malo i lalo o le *Tulafono o Kamupani Faava o Malo* faapea ia auaunaga mo le toe faafouina o resitala o kamupani. O tupe maua mai i ia auaunaga o lo o faailoa i le piliota faaletupe na faatino ai lea auaunaga.

O tupe vave totogi mai e Kamupani Tausi Mavaega ua faamauina o aitalafu toe totogi i se taimi vave ma faato'a faamauina i lalo o tupe mama pe a faaoga e le Pulega e totogi ai ia le tuufaatasia o kamupani po o auaunaga mo le toe faafouina o resitala a kamupani.

Tupe Tului mai Iunite

O tupe maua mai iunite i luga o aseta tautupe e fua i tau talafegai ma lipotia o se tupe mama po o se tupe gau (FVTPL) ia po o tau talafeagai o lo o lipotia i isi tupe maua (FVOCI). O ia tupe tului e amanaiaina o isi tupe maua i tupe mama ma tupe gau pe a iai le aia tatau e maua ai.

Tupe Tului

O tupe tului mai aseta tautupe i o latou tau talafeagai e lipotia i tupe mama ma tupe gau (FVTPL) o lo o faaopopo i tau faasili (gau) o ia aseta. O tupe tului mai aseta tautupe i o latou tau faaitiitia ma aseta tautupe o lo o i tau talafeagai ua lipoita o isi tupe maua uma (FVOCI) e faaoga ai le auala tonu mo tului ma o lo o faailoa i le Faamatalaga o Tupe Mama ma Tupe Gau ma Isi Tupe Maua Uma.

u. Faiga Tautupe

Amanaiaina ma le le amanaiaina

O aseta tautupe ma aitalafu tautupe e amanaiaina i le taimi e ave ai le Pulega o se paaga i se konekarate tautupe.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

3. Faamatalaga Tāua o Faiga Faavae o Faamatalaga Tau Tupe (faaauau)

O aseta tautupe e le amanaiaina pe afai ua faamuta le aia tatau e maua mai ai se faamanuiaga tau tinoitupe po ua faamatuu ese foi ia popolega ma faamanuiaga. O aitalafu tautupe e le amanaiaina pe afai ua faauma, faamagalo, faaleaogaina po ua uma lona taimi.

Faatulagaina ma fuaina o aseta tautupe

Faatulagaina ma fuafuaga o tau talafeagai i le taimi muamua

Vagana ai aitalafu i pisinisi masani e le o iai se vaega ogaoga tautupe e noatia ai ma o lo o fuaina i lona tau o fefaatauaiga e tusa ai ma le IFRS15, o isi aseta tautupe uma o lo o mua’i fua i le tau talafeagai ua fetuuna’i e tusa ma ona tau faaalu i fetaatauaiga o iai (pe a tusa ai).

O aseta tautupe a le Pulega o lo o faatulagaina i vaega nei:

- Tau faaitiitia
- Tau talafeagai i tupe mama ma tupe gau (FVTPL)
- Tau talafeagai i isi tupe maua (FVOCI).

O le faatulagaina e fuafua i mea e lua nei:

- O le faiga faapisinisi e faafoe ai le aseta tautupe
- O le maliega i gasologa o tupe mo le aseta tautupe

O tupe maua ma tupe faaalu uma i aseta tautupe o lo o amanaiaina i totonu o tupe mama po o tupe gau o lo o faaalua i tupe faaalu mo tupe, tupe maua mai tupe po o isi vaega tautupe, vagana ai ia faaletonu o aitalafu o lo o faaalua isi tupe faaalu.

Fuafuaga o tau o aseta tautupe i le mae’a ai o le tausaga faaletupe

Aseta tautupe i tau faaitiitia

O aseta tautupe o lo o iai konekarate e maua mai ai ua fua i o latou tau faaitiitia. O tupe faasili po o tupe gau, mai aitalafu faaletonu e toe fuaina i o latou tau faaitiitia ma e le toe aafia i fefaatauaiga, o lo o amanaiaina i tupe mama ma tupe gau pe a ua le toe amanaia po o ua faaletonu lea aseta tautupe. Tupe tului mai i ia aseta tautupe o lo o aofia i totonu o “tupe tului” e faaaogaina ai faiga talafeagai lelei mo tupe tului. O ia vaega e aofia ai paleni o tupe ma nonoga tupe a le aufaigaluega.

Aseta tautupe i tau talafeagai i tupe mama ma tupe gau (FVTPL)

O aseta tautupe o lo o i totonu o faiga pisinisi eseese e ese mai le umia ma aoina po o le umia ma aoina ma faatau atu e faavasegaina i tau talafeagai i tupe mama ma tupe gau. Po o le a lava le ituaiga pisinisi, o aseta tautupe o lo o iai konekarate e maua mai ai tupe e le faapitoa mo le tologiina o nonogatupe ma tupe tului e faamauina i le FVTPL. O lea vaega e aofia ai tupe faaliliu i le UTOS. O aseta i lea vaega e fua i le tau talafeagai, o ni tupe maua pe gau e faailoa i tupe mama ma tupe gau.

Tupe faavae i tau talafeagai i isi tupe maua (FVOCI)

E faamauina e le Pulega ia tupe faavae i FVOCI pe afai e le fefaataua’ia. O le vaega lea e aofia ai teugatupe faavaitemi i iunite a le UTOS ma ua faia le faaiuga mautu a le Pulega e amanaia i le FVOCI. O suiga i tau talafeagai (tupe mama po o le gau) e amanaiaina i isi tupe maua ma e le toe suia lona faiga e tusa lava po ua le amanaiaina le aseta.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

3. Faamatalaga Tāua o Faiga Faavae o Faamatalaga Tau Tupe (faaaauau)

Faaletonu o aseta tautupe

O aiaiga o le IFRS 9 mo faaletonu tautupe e faaaoga ai faamaumauga o iai e vaavaai ai i le lumana'i i tupe gau e ono tutupu – po o le faiga e mate ai ia tupe gau (ECL). O le faiga lea e sui ai le IAS 39 “faiga mo tupe gau ua iai”. O faiga o tupe i suiga fou ia e aofia ai ia nonogatupe ma isi aitalafu tau tupe o lo o fua i tau faaitiitia ma FVOCI, aitalafu e mafai ona fefaataua'i, o aseta faakonekalate o lo o amanaiaina ma fua e tusa ma le IFRS15 faapea ia noataga i aitalafu ma nisi o faamaoniga tautupe ua faakonekalate (mo le na faamatuuina le aitalafu) e le o fuaina i se tau talafeagai i tupe maua ma tupe gau.

O aseta e mafai ona fefaataua'i ma aseta ua faakonekalate

O lo o faaaogaina e le Pulega le auala faigofie e lipotia ai aseta e mafai ona fefaataua'i ma aseta ua faakonekarate ma faamauina ia tupe gau o gau fuafuaina. O mea ia e maitauina ma fua i ai ni faafitauli e ono tulai mai i le faagasologa o tupe mai faiga faakonekarate, ma vaavaai i ni faaletonu ogaoga e ono tutupu i soo se taimi a o gasolo ai faiga tautupe. Ua faaaoga e le Pulega lona poto masani, faailoilo mai fafo ma faamaumauga e faasino i le lumana'i e fuafua ai le gau e faaaoga iai le faiga mo faaagaga eseese.

E vailiili e le Pulega ia faaletonu o aseta e mafai ona fefaataua'i i tulaga o le tuufaatasiaina o faamatalaga i lona aotelega e fua i aso sa faaletonu ai.

Faatulagaina ma fuafuaaga o aitalafu tautupe

O le faiga o aitalafu tautupe o lo o talitutusa ai lava le IFRS 9 faatusatusa i le IAS 39, o aitalafu tautupe a le Pulega e le o aafia i le faaaogaina o le IFRS 9. Mo le faatinoina atoatoa, o le taiala faatausitusi o lo o taua i lalo.

O aitalafu a le Pulega e aofia ai ia nonogatupe, o tupe totogi atu i galuega faapisinisi ma o lo o o faatulaga i tau faaitiitia.

O aitalafu tautupe o lo o fua i tau talafeagai, ma, a talafeagai, e fetuuna'i le tau faaalu vagana ua manatu le Pulega o le tau talafeagai o le aitalafu tautupe e faamau i tupe mama po o tupe gau.

O aitalafu tautupe o lo o fua i tau faaitiitia e faaaoga ai le auala tonu mo tupe tului.

O tau o tupe tului uma ma suiga i le tau talafeagai o faiga o tupe e lipoti i totonu o tupe mama po o tupe gau o lo o aofia ai tau o tupe po o tupe mama maua mai tupe.

f. Faamanuiaga e agavaa iai le au faigaluega

O tau faaagaga mo faamanuiaga e agavaa i ai le au faigaluega i aso malolo faaletausaga ma aso malolo mo auunaga umi o lo o fua i o latou totogi o lo o iai i le aso e faapaleni ai tupe.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

g. Lisi

O lisi faaoga, e nafa le e ona le aseta ma faafitauli faapea ia faamanuiaga uma o le lisi, o ia vaega o lo o aofia i fetuunaiga o faasiliga mama o lo o fuafua tutusa ai le totogiina i le taimi atoa o le lisi.

l. Lafoga

I lalo o le fuaiupu 23 o le *Tulafono o le Pulega o Tupe Faava o Malo a Samoa 2005* e le faia ai ni lafoga i tupe mama a le SIFA.

m. Tinoitupe ma isi ituaiga tupe

O tinoitupe ma isi ituaiga o tupe, e i ai ia tupe o lo o i lima, tupe o lo o i faletupe ma teugatupe faavaitaimi e laititi se avanoa e sui ai lona tau pe a tala.

n. Fale ma Masini

O meatotino, fale ma masini e faaoga ai tau faaitiitia i o latou tau e tusa ai ma le umi o lo latou faaoagaina i o latou taimi faatapulaaina. Ua faaogaina le auala vave e faaitiitia ai le tau e tusa ma le taimi faatapulaaina. O vaega autu o ia meatotino, e iai fale ma masini ia ma le umi o lo latou faaogaina e faapea:

Mea fale ma faaopoopoga	10 tausaga
Masini a le Ofisa	5 tausaga
Taavale	5 tausaga
Faaleleia o lisi	10 tausaga
Fanua	E le faaitiitia le tau
Fale	20 tausaga

p. Aseta e le fai tino

O polokalame komepiuta o lo o faamauina i le tau na faatau mai ai toese ai le tau faaitiitia. O tau ia ua lipotia i tupe mama ma tupe gau e faaoga ai le 5 tausaga lea e fuafua e faaoga ai.

4. Faatonutonuina o lamatiaga tautupe

O pisinisi a le Pulega e aafia i lamatiaga tautupe e pei o lamatiaga i le maketi e aafia ai le gasologa o tupe tului, o tupe toe totogi mai ma tupe e faagaoioi ai ia galuega. O le faatonutonuina o lamatiaga e nafa lea ma le Pulega faapea le Fono a Faatonu. O i latou e auiliiliina ma vaavaai i lamatiaga tautupe i vaega uma o le pisinisi.

i. Faatonutonuina o lamatiaga i tupe toe totogi mai

O le lamatia o se paaga i se faiga tautupe e mafua ai se gau tautupe o le isi paaga pe a le mafai ona tausia ana matafaioi. O faiga tautupe e pei o teugatupe faavaitaimi ma nonogatupe a le aufaigaluega e ono aafia ai le SIFA i lamatiaga tautupe.

O le aafiaga o le Pulega i lamatiaga tautupe e fitoitonu i nonogatupe a le aufaigaluega. O nonogatupe a le aufaigaluega ua faamuta e le faatonuga a le Kapeneta mo ana matagaluega ma faalapopotoga uma. O nonogatupe a le aufaigaluega o lo o iai o lo o faaitiitia mai tupe totogi mai i a latou totogi masani.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

4. Faatonutonuina o lamatiaga tautupe (faaaauau)

I le tuua ai o galuega i le Pulega, e moomia ai latou e iai nonogatupe e totogi aitalafu uma i le taimi e uma ai po o le faia o fetuunaiga mo le totogiina. O le le mafai ai ona totogi atoa o sea nonogatupe e mafua ai se gau ma o lo o iai faaagaga mo gau ia i le taimi nei.

O totogi uma o aitalafu e toese mai i le totogi o le tagata faigaluega o lo o galue, o le mea lea o lo o lelei ai le totogiina o nonogatupe i le taimi nei. O lo o faaoga e le Pulega le auala faigofie e fuafua ai tupe e ono gau i le taimi o le aitalafu ma faaoga matematega (PD) e ono gau ai i paleni o lo o iai i le taimi nei:

	PD	Aofaiga atoa	Gau faaaagaga	Aitalafu faaletonu
30 Iuni 2019				
Nonogatupe Atoa a le Aufaigaluega	1.9%	1,264,771	24,054	24,054
Nonogatupe na iloiloina faapitoa				
		1,264,771	24,054	24,054

O paleni e lei totogia mai e iloiloina po o faaletonu. O le fesuaiga i tupe faaagaga mo tupe gau o nonogatupe a le afaialuega o lo o faailoa atu i le faamatalaga 8.

ii. O Lamatiaga i tupe o lo o i tupe a isi Atunuu.

O lo o faatonutonu e le SIFA ona aafiaga i le le toe maua mai o ana tupe o lo o faafaigaluega i le tuu lea i kamupani eseese o lo o lelei ma maualuga lona faatulagaina e sili atu i lo o le SIFA ma fai lelei ia puipuiga mo nonogatupe a le aufaigaluega.

I le aso o lenei ripoti ua faamauina ai e le SIFA ana tupe i Tala Amerika pei ona taua i lalo:

	2019 SAT	2018 SAT
Aseta Tautupe:		
Tinoitupe ma isi ituaiga o tupe	1,600,613	1,054,360
Aitalafu Tautupe:		
O tupe vave totogi mai e paaga	(862,908)	(841,781)
Aafiaga Faasili	737,705	212,579

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

4. Faatonutonuina o lamatiaga tautupe (faaaauau)

O aafiaga o lo o taua i lalo e fua i lamatiaga o tupe a isi atunuu o lo o i ai i le aso e faapaleni ai tupe ma le aafiaga i tupe mama.

	Mauaaluga/(Mauaalalo) SAT	Mauaaluga/(Mauaalalo) SAT
SAT/USD + 5%	36,885	10,629
SAT/USD - 5%	(36,885)	(10,629)

O le tau lea na faaliliu ai paleni USD i le aso:

06/2019 - 0.3886
06/2018 - 0.3935

iii. O Lamatiaga i tinoitupe o lo o iai

O lamatiaga i tinoitupe o le le mafai ai ona totogi ia ana fuafuaga tautupe pe a oo i taimi e totogi ai. O le faiga lea e fai ai e le Pulega le faatonutonuina o lamatiaga o tinoitupe o le mautinoa o lo o lava ia tinoitupe e totogi ai aitalafu i le taimi e totogi ai i vaitau masani ma vaitau faigata e aunoa ma se gau e tulai mai po o le ta'uleagaina o le Pulega. E faatino e le Pulega le faatatau mo le gasologa o tupe, e vaai i tinoitupe e sau i totonu ma tinoitupe e alu atu i fafo mai le Pulega i le tausaga e fesoasoani i le mataituina o manaoga tautupe ma le faateleina o tupe maua mai i teugatupe. O le masani o le Pulega, ia mautinoa ia lava tinoitupe e vave maua mai mo le faagaioiga o le Ofisa, e aofia ai le faataunuuina o ana fuafuaga tautupe. O le tulaga o lo o iai ia tupe e mataituina i aso uma lava.

iv. O Lamatiaga i tupe tului

Lamatiaga i tau talafeagai i tupe tului

O lamatiaga i tau talafeagai i tupe tului e mafua mai le fesui ai o tupe tului e avea ma auala e fesuisui ai le tau talafeagai o vaega tautupe. O nonogatupe a le aufaigaluega o lo o i tului tumau ma e le o iai se aafiaga tele i lamatiaga o tupe tului.

Lamatiaga i tupe maua mai tupe tului

O le Pulega e iai ia ana aseta e maua mai ai ia tupe tului i mea tau tupe teufaavaaitaimi. O teugatupe ia e tumau ia tupe tului e maua mai ai ma e leai se lamatiaga i tupe tului o iai i le taimi o teugatupe ia.

Mo teugatupe toe faaaauau, e feutaga'i le Pulega ma Faletupe o fefaatauaiga i tupe tului talafegai, ma e teu faaaauau i le faletupe e tele le tupe tului e ofoina mai. Ona e tumau le tupe tului e maua mai, e mauaaluga le talitonuga o le Pulega o lo o lelei le sau i totonu o tupe e maua mai i tupe tului mai i teugatupe faavaaitaimi.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

O isi lamatiaga

Lamatiaga i le faatinoga o galuega

O lamatiaga i le faatinoga o galuega, o lamatiga e mafua mai se gau ona o le faaletonu o ala o lo o faatino ai galuega, faaletonu o le tagata faapea ia le le faamaoni. A le mafaia loa e ala ua faataatitia e puipui ai le faatinoga o galuega, ona aafia loa lea o le igoa lelei o le Pulega ma tutupu mai ai aafiaga tau tulafono ma oo atu ai i faaletonu tautupe. E le mafai e le Pulega ona faapea ifo e leai ni faafitauli i le faatinoga o galuega ae o le faamoemoe i ala ua faataatitia ma mataitu e tali atu i lamatiaga e ono tutupu mai ua mafai ai e le Pulega ona faatonutonu ia lamatiaga. O ala ua faataatitia e aofia ai le vaevaeina o matafaioi, mafai ona maua ia faamatalaga, malosiaga ma faiga e soalaupule ai, aoaoina o le afaigaluega faapea auala e faatino ai suesuega.

5. O fuafuaga ma faaiuga taua tautupe

E faia e le SIFA ia fuafuaaga ma taumatematega mo le lumana'i. O le taunuuga o fuafuaaga ma taumatematega i faiga-faavae tau tautupe o lea e seasea tutusa ai ni fuafuaga ma iuga moni o le a taunuu i ai. O fuafuaga ma taumatematega e iai ia lamatiaga ogaoga e afua ai ni suiga tetele i tau tauave o aseta ma aitalafu i totonu o le isi tausaga faaletupe e sosoo ai e pei ona taua i lalo.

a. Fua e fuafua ai tau talafeagai

E faaoga e le pulega metotia o fuafuaaga o tau e saili ai tau talafeagai o faiga tautupe (pe afai e le o ma'ua tau mai maketi) ma aseta e le o ni faiga tautupe. E aofia ai le atinaeina o fuafuaga ma taumatematega ia tutusa ma talafeagai ma le faatinoina e sui tauva i maketi o le faiga o tau o faiga tautupe. E fua fuafuaaga a le Pulega i faamaumauga aoao mai pe a talafeauga, peitai ane e le tumau ai ona avanoa i taimi uma. I lea tulaga, e faaoga e le pulega faamatalaga o lo o maua. O le tau fuafua e ono eseese ma le tau moni o le a i ai le faatinoina o feafaatauaiga masani i le faaiuga o le tausaga faale-tupe.

e. O le ola aoga o aseta faaitiitia

A faatau se aseta umia totino e le SIFA ona fua lea pe mata o le a le umi talafeagai o le taimi o le a aoga ma umia ai e le SIFA lea aseta fua i luga o faamatalaga ma aiaiga o lea aseta poo vasega o aseta sa umia poo lo o umia i le taimi nei poo le taimi ua tuanai e le SIFA. Afai e le o i ai ni faamatalaga o ma'ua o ia aseta poo le vasega o ia aseta o umia i le taimi nei pe sa umia i le taimi ua tuanai, ona tagai lea i fua tapulaa aloaia.

i. Faaletonu i aseta e le o ni faiga tautupe

O tausaga taitasi e tagatagai ai le SIFA i le tau tauave o ana aseta e sailiili po o iai i se tulaga faaletonu. E faatino fetuunaiga talafeagai i faiga-faavae o ia iloiloga mo se faasaoga, pe a moomia, po o se faaletonu ogaoga i aseta ma faamauina i faamatalaga tau-tupe. O faamaninoga ma faailoa talafeagai e ao ona tausia ma mulimulitaia mo ia tulaga.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

6. Fale ma Masini

	Fanua ma Fale SAT	Meafale ma Masini SAT	Taavale SAT	Faaleleia o Lisi SAT	Galuega Faagasolo SAT	Aofaiga SAT
Tau						
Paleni i le aso 30/06/18	5,856,000	1,872,942	361,500	156,363	198,025	8,444,830
Aseta faaopopo		125,682	-		768,900	894,582
Aseta aveesea		(86,823)			(940,125)	(1,026,948)
Paleni i le aso 30/06/19	5,856,000	1,911,801	361,500	156,363	26,800	8,312,464
Tau atoa faaitiitia o aseta						
Paleni i le aso 30/06/18	69,333	1,378,572	297,454	156,361		1,901,720
Faaitiitiga i tau o aseta	52,000	161,943	52,400			266,343
Aseta aveesea		(83,240)	-	-		(83,240)
Paleni i le aso 30/06/19	121,333	1,457,275	349,854	156,361		2,084,823
Faaitiitia i tau o aseta:						
Aso 30/06/18	5,786,667	494,370	64,046	2	198,025	6,543,110
Aso 30/06/19	5,734,667	454,526	11,646	2	26,800	6,227,641

7. Aseta le faitino

	Polokalame e Resitala ai Kamupani - SIFA SAT	Polokalame Tusi Tusi – SIFA SAT	Aofaiga SAT
Tau			
Paleni i le aso 30/06/18	799,310	185,628	984,938
Aseta faaopopo	15,600	20,000	35,600
Aseta aveesea	-	-	-
Paleni i le aso 30/06/19	814,910	205,628	1,020,538
Tau faaitiitia o aseta			
Paleni i le aso 30/06/18	536,651	36,727	573,378
Faaitiitia tau o polokalame	77,276	38,126	115,402
Aseta aveesea	-	-	-
Paleni i le aso 30/06/19	613,927	74,853	688,780
Faaitiitia i tau o aseta:			
Aso 30/06/18	262,659	148,901	411,560
Aso 30/06/19	200,983	130,775	331,758

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

8. Tupe nono atu ma tupe ua vave totogi

	2019	2018
	SAT	SAT
Suiga i tau faaagaga i nonoga tupe e ono faaletonu		
Aofaiga atoa o nonoga tupe a le afaigaluega	1,264,771	1,610,098
Toese tau faaagaga mo nonoga tupe e ono faaletonu	(24,054)	-
	<u>1,240,717</u>	<u>1,610,098</u>
<i>Faailoa ma faatulaga i totonu o faamatalaga o meatotino ma aitalafu:</i>		
Aseta e le faaliliuina i tupe i se taimi vave		
Nonoga tupe afaigaluega – puipuia lelei	1,158,560	1,474,902
	<u>1,158,560</u>	<u>1,474,902</u>
Aseta e mafai ona faaliliuina i tupe i se taimi vave		
Nonoga tupe afaigaluega – puipuia lelei	106,210	135,196
Toese tau faaagaga mo nonoga tupe e ono faaletonu	(24,054)	-
	<u>82,156</u>	<u>135,196</u>
Tupe tului e le'i oo i le taimi e maua ai	584,338	1,331,820
Tau mai iunite e le'i oo i le taimi e maua ai	1,242,945	200,000
Tupe faaoga ua vave totogi	165,126	119,528
Aofaiga o tupe nono atu ma tupe ua vave totogi	<u>2,074,565</u>	<u>1,786,544</u>

O nonoga tupe a tagata faigaluega o lo o maua ai tupe tului faasili ma o lo o puipuia i mea totino i lalo o ia nonoga tupe e umiaina e le tagata faigaluega mo vaitaimi e amata i le 5 e oo atu i le 20 tausaga.

O nei nonoga tupe e ono faamae'aina faapea:

	2019	2018
	SAT	SAT
E le sili atu i le 12 masina	11,433	8,271
E sili atu i le 1 tausaga ae itiiti ifo ma le 5 tausaga	28,072	56,744
Sili atu ma le 5 tausaga	1,225,266	1,545,084
Aofaiga	<u>1,264,771</u>	<u>1,610,099</u>

9. Tupe o lo o faafaigaluega

	2019	2018
	SAT	SAT
Tupe faafaigaluega i le UTOS i le tau talafeagai i le amataga iunite faapopopo sa faatauina (10.4miliona) a o faagasolo le tausaga	3,080,000	2,960,000
Fesuaiga i tau talafeagai i le aso 30 Iuni 2019	17,000,000	-
Tupe faafaigaluega i le UTOS i le tau talafeagai i le faaiuga	180,000	120,000
	<u>20,260,000</u>	<u>3,080,000</u>

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

Tupe faafaigaluega i le UTOS – teuga tupe e mafai ona faaliliu	-	2,000,000
Tupe faafaigaluega i le UTOS – teuga tupe faapolomisi	7,470,000	10,470,000
	<u>27,730,000</u>	<u>15,550,000</u>

E 10.4 miliona iunite sa faatauina a o faagasolo le tausaga i le tau e SAT17 miliona (SAT1.63 i le iunite e tasi). O tau talafeagai o nei iunite sa fua i luga o tau o iunite sa faasalalauina e le UTOS i le aso 30 Iuni 2019 e tusa ma le SAT1.63 i le iunite. O Teuga Tupe e Mafai ona Faaliliuina (SAT2 miliona) ma Teuga Tupe Faapolomisi (SAT3 miliona) sa faaliliuina i iunite ina ua oo i le taimi e matutua ai ma avea o se vaega o le SAT17 miliona o iunite faapoopo sa faatauina mai a o faagasolo le tausaga. O le Paleni e SAT12 miliona sa faatupe mai i teuga tupe faavaitaimi sa matutua i le gasolo ai o le tausaga.

10. Tinoitupe ma isi ituaiga tautupe

	2019 SAT	2018 SAT
Tinoitupe ma paleni o teuga tupe	3,467,818	6,019,318
Teuga tupe faavaitaimi	49,444,411	56,079,128
Tupe ma isi ituaiga tautupe i Faamatalaga o le Faagasologa o Tupe Maua ma Tupe Faaaoga	52,912,229	62,098,446
	<hr/>	
Tupe mai mavaega		289,163
	<hr/>	
	52,912,229	62,387,609

O Tupe mai Mavaega e le mo le SIFA. I le Veagea 199 o le *Tulafono mo Kamupani Faava o Malo 1988*, o aseta totoa a Kamupani ua le o toe resitalaina e tuuina mai i le Resitara. O le aofaiga o tupe e le'i toe tufatufaina atu e SAT289, 163.00 sa tuuina atu i le Matagaluega o Tupe i lalo o le *Tulafono o Pulega o Tupe a le Malo 2001*.

E aofia i le paleni o tinoitupe ma teuga tupe le paleni o tupe sa tuu i totonu o Pepa Tupe a le SIFA e tologi ai auaunaga ma e faapea:

	2019 SAT	2018 SAT
Aofaiga o le paleni o tupe i totonu o pepa tupe	31,073	22,909
	<u>31,073</u>	<u>22,909</u>

O nei pepa tupe e i ai ia paleni tapulaa e faaaoga ai e ta'i NZD10,000.00 ma e lokaina i le sefe saogalemu i lalo o le vaavaaiga a le Vaega Tau Tupe. O nei pepa tupe e faaaogaina pe a malaga le Ofisa Sili po o le Taitaifono i fonotaga ma e faaaogaina foi e taofi ai apitaga mo le komiti faatonu ma le afaigaluega pe a malaga i ni fonotaga.

O lo o teuina foi teugatupe faavaitaimi i faletupe i totonu o le atunuu mo le 6 masina e oo atu i le 12 masina mo tupe tului i le va o le 4% ma le 6% i le tausaga. O le vaevaega o le aofai o teugatupe faavaitaimi i le aso 30 Iuni 2019 o lo o teuina i faletupe o fefaatauaiga e 4 o lo o faaalua i lalo:

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

	%	2019 SAT
ANZ	15%	7,239,088
BSP	24%	11,689,773
NBS	37%	18,119,357
SCB	25%	12,396,192
Aofaiga		<u>49,444,411</u>

11. Tupe vave totogi mai ma Pili e lei totogia

	2019 SAT	2018 SAT
Tupe vave totogi mai Paaga Faipisinisi	862,908	841,781
Pili e le'i totogia	1,081,323	378,942
Tupe mai mavaega	-	289,163
Aofaiga	<u>1,944,230</u>	<u>1,509,886</u>

O tupe vave totogi mai paaga, o tupe ia a kamupani tausii mavaega e totogi ai resitala po o le faafouga o resitala o kamupani faava o malo pe a oo i le taimi e tata ai. O Tupe o mavaega o tupe ia mai kamupani ua le toe resitalaina o lo o taofiina e le SIFA e tusa ai ma le vaega e 199 o le *Tulafono o Kamupani Faava o Malo 1988* mo se vaitaimi ma afai e le talaina i tua, o le a tuuina atu i le Matagaluega o Tupe e gafa ma lea mataupu e pei ona aiaia i lalo o le *Tulafono o Pulega o Tupe a le Malo 2001*.

12. Tupe faaagaga mo Aso malolo o le Auaigaluega

	2019 SAT	2018 SAT
Paleni i le amataga o le tausaga	71,907	69,510
Aso malolo e lei faaaogaina	39,949	40,068
Aso malolo ua faaoga	(49,428)	(37,671)
	<u>62,428</u>	<u>71,907</u>

13. Faalauiloa

	2019 SAT	2018 SAT
Faalauiloa	<u>2,792,000</u>	<u>4,249,053</u>

O faalauiloa e aofia ai fesoasoani tau-tupe o lo o tuuina atu i au taaalo a le atunuu faapea semina ma faalauiloa mo Samoa i auaunaga tau tupe faavao malo i atunuu i fafo.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019**

14. Tupe Totogi i le Malo

	2019 SAT	2018 SAT
Saofaga i le Malo o Samoa	21,685,987	8,314,012

O le Aofaiga o le Saofaga e SAT21.6 miliona sa tuuina atu i le Malo mo leni Tausaga Faaletupe 2018/2019 i lalo o le vaega 18 o le *Tulafono o Pulega o Tupe Faava o Malo a Samoa 2005*. O lea aofaiga e afua mai le SAT6.6 miliona o le paleni e le'i totogia mo le tausaga faaletupe sa faaiuina ia Iuni 2018 ma le SAT15 miliona mo leni tausaga faaletupe e faaiuina ia Iuni 2019.

15. Noanoataga e ono tulai mai

O lo o tumau pea ona tetee le SIFA i se tuuaina faaletulafono o lo o i luma o le Faamasinoga Maua-luga a Samoa i le taimi nei. Ae peitai, o taualumaga o le faamasinoga e lei maea ma o se tau poo se noataga i le faaiuga o leni tausaga faaletupe e le o mautinoa (2017/2018: selo).

16. Noataga o Lisi

O lo o lisiina e le Pulega o Tupe Faava o Malo a Samoa se avanoa mo lona Ofisa i le Faletupe o Atinae o Samoa i se totogi e SAT18,128.03 i masina taitasi mo le lima (5) tausaga ma e mafai foi ona faafou i le uma ai o lea taimi. O lo o aofia ai i leni lisi le fogafale 3 ma le fogafale 6 faapea vaega e paka ai taavale. O lo o lisi foi e le Pulega o Tupe Faava o Malo a Samoa le fogafale muamua o le SNPF i Vaitele e fai ai le isi ofisa faaleoleo (Offsite office) talu mai ia Ianuari 2015 i le tau e SAT5,271.60 i le masina mo le vaitaimi e lima (5) tausaga, ma e mafai ona toe faafou pe a uma lea taimi.

	2019 SAT	2018 SAT
O le faagaioiga o le totogiina o lisi faapea:		
Ia le sili atu i le tasi tausaga	283,932	279,158
	283,932	279,158

17. Faailoaina o mataupu tau i le Pulega

	2019 SAT	2018 SAT
Tau i le pulega:		
Totogi	1,040,668	996,319
Totogi o Faatonu ma alauni	76,500	73,296
Aofaiga	1,117,168	1,069,615

O totogi o le pulega e fuafua e le Kapeneta ma le Fono a Faatonu. O le Pulega e aofia ai le Pule Sili, o Pule Sili Lagolago (3), Taitai Vaega o Pisinisi ma Atina'e, Taitai Vaega mo Auaunaga Faa-Tekonolosi ma Auaunaga Fesoasoani, Taitai Vaega mo le Auaigaluega, Taitai Vaega Tau Tupe, Taitai Vaega e Mataituina le Tausisia o Tulafono ma Taitai Vaega o Resitala (3).

Pulega o Tupe Faava o Malo a Samoa
Faamatalaga Tau Tupe
Mo le Tausaga Faaiuina i le Aso 30 Iuni 2019

18. Auiliiliina o Tupe Faagasolo mai/i Galuega

	2019	2018
	SAT	SAT
Tupe Mama	23,484,983	21,823,326
Fetu'unaiga mo:		
Faaitiita i tau o fanua, fale ma masini	266,343	257,979
Tupe faaalu i le fuafuaina o le fale	940,125	-
Faaitiitia i tau o aseta le faitino	115,402	104,395
Suiga i le tau o le fanua	(180,000)	(120,000)
Tupe maua	(578,972)	(512,394)
Tupe faaalu	(83,281)	96,745
Tupe maua mai tului	(3,742,352)	(3,139,218)
Faamanuiaga mai iunite - UTOS	(1,242,945)	(200,000)
Tupe Gau/(Tupe mama) i le faatauina o meatotino	(17,165)	-
Siitia i aitalafu toe totogi mai	(27,844)	(179,648)
Siitia i aitalafu totogi atu	434,345	(799,500)
Siitia i tupe faaagaga ma faamanuiaga mo tagata faigaluega	(9,477)	2,397
	<u>19,359,109</u>	<u>17,334,082</u>

19. Faamaoniga o faamatalaga tau tupe

Na faamaonia ia nei Faamatalaga Tautupe e le Fono a Faatonu i le aso sa sainia ai e le Fono a Faatonu.